



Tlf: +299 48 34 11
nuuk@bdo.dk
www.bdo.dk

BDO Statsautoriseret revisionspartnerselskab
Imaneq 33, 7. sal
GL-3900 Nuuk
CVR-nr. 45 71 93 75

Namminersorlutik Oqartussaat

Kukkunersiuusut nalunaarutaat nr. 1

2025-MUT UKIUMOORTUMIK NAATSORSUUTIT PILLUGIT

Qup. 1-37

1	2025-MUT UKIUMOORTUMIK NAATSORSUUTIT KUKKUNERSIORNEQARNERINUT INERNILIINEQ	4
1.1	AALLAQQAASIUT	4
1.2	KUKKUNERSIUISUT UPPERNARSAATAAT	4
1.3	KUKKUNERSIUISUT OQAASEQAATAAT	5
1.3.1	2025-mut ukiumoortumik naatsorsuutitut kukkunersiuisut oqaaseqaataat	5
1.3.2.1	Taarsigassarsititsisarnermut suliassaqaarfik	5
1.3.2.2	Akilerartarnermut suliassaqaarfik	6
1.3.2	Kukkunersiuisut siornatigut oqaaseqaataannik malitseqartitsineq	6
1.3.3.1	Nammineq nakkutilliinermut atatillugu akissarsiat tamakkiisut allattorsimaffiinik suliqaartarnerup pingaarutaanik erseqqissaaneq	6
1.3.3.2	Pisortani aaqqissuussaanernut allanut pissaaqatigiissutit naligiissarneqarnerat	7
1.3.3.3	it-atuisunik aqutsineq	7
1.3.3.4	Pisiniartarfinnut akiisut aamma aningaaserivinni uninngasuutit naligiissarneqarnerat	7
1.3.3.5	ESU-mi BSU-milu taarsigassarsianik aqutsineq	7
1.4	KUKKUNERSIUIINERMUT ATAATSIMIITITALIAP 2024-MUT NAATSORSUUTINUT TUNNGATILLUGU ISUMALIUTISSIISUTAANIK MALITSEQARTITSINEQ	7
2	KUKKUNERSIUIINERMI PERIUTSIT ATORNEQARTUT	7
2.1	PINGAARUTEQARTITSINERMI QAFFASISSUSEQ	8
2.2	PEQQUSERLUTTULIORTOQARSINNAANERA PILLUGU PISORTAMIK OQALOQATEQARNEQ	8
2.3	NAKKUTILLIINISSAMIK SUUSUPAGINNINNEQ	9
2.4	UKIUP INGERLANERANI KUKKUNERSIUIINEQ INGERLANNEQARTOQ	9
2.5	INAARUTAASUMIK KUKKUNERSIUIINEQ	10
3	NAATSORSUUSERINEQ ILLULLU ILUANI NAKKUTILLIINEQ	10
3.1	NAATSORSUUSERINERMI NAJOQQUTASSAT	10
3.2	AKILIGASSANIK SULIAQARNEQ, SULIASSAQARFINNIK AVISSAAQQATITSINEQ ILLULLU ILUANI NAKKUTILLIINEQ	10
4	AKISSARSIAT SULISOQARNERMULLU TUNNGASUT	11
5	INATSISIT ATUUTSINNEQARNERANNIK KUKKUNERSIUIINEQ PISORTALLU INGERLATSIVIINI INATSISIT MALILLUGIT KUKKUNERSIUIINEQ, PISORTAQARFINNI KUKKUNERSIUIINERMUT NAJOQQUTASSAT MALILLUGIT (SOR 6 AAMMA 7)	12
5.1	SIUNERTAQ	12
5.2	KUKKUNERSIUIINERUP ANNERTUSSUSIA INGERLANNEQARNERANIK	12
5.3	INATSISIT ATUUTSINNEQARNERAT PILLUGU KUKKUNERSIUIINERUP INERNERA	13
5.4	PISORTAT INGERLATSINERANNIK KUKKUNERSIUIINERUP INERNERA	13
5.5	INGERLATSINERMIK KUKKUNERSIUIINERMIK MISISSUINERIT ANGINERUSUT	13
5.5.1	Misissuinerit anginerit Kukkunersuiinermut Ataatsimiititaliamit suliakkiissutigineqartut	13
5.5.2	Misissuinerit anginerit Naalakkersuisunut ilaasortanit suliakkiissutigineqartut	13
6	ILLUP ILUANI IT-MIK NAKKUTILLIINERMIK KUKKUNERSIUIINEQ	13
7	UKIUMOORTUMIK NAATSORSUUTIT KUKKUNERSIORNEQARNERAT	15

7.1	NAATSORSUUTIT ILUSILIGAANERAT IMARISAALLU	15
7.2	MISSINGERSUUTINIK ANINGAASALIISSUTINILLU NAKKUTILLINEQ	15
7.2.1	Pisortat kontunut pilersaarutaannik ataatsimoorussamik atuineq	15
7.3	AKILERAARUTIT AKITSUUTILLU	16
7.4	PEQATIGIIFFINNUT SULIFFEQARFINNULLU TAPIISSUTIT	17
7.5	AKISSARSIAT AJUNNGITSORSIALLU	17
7.6	NIOQQUTISSANIK KIFFARTUUSSINERNILLU PISINERIT	17
7.7	SANAARTORNERMIK SULIAT / SANAARTORNERMUT ANINGAASAATEQARFIK	17
7.8	OQIMAAQATIGIISSITSINEQ	17
7.8.1	Tamanut tunngatillugu	17
7.8.2	Piginneqataassutit aamma suliffeqarfinnut atassuteqarfiganut taarsigassarsititsinerit piffissami sivisuumi akilersugassat	18
7.8.3	Innuttaasunut suliffeqarfinnullu taarsigassarsititsinerit	18
7.8.4	Kaaviiartitsinermi pigisat	19
7.8.5	Namineq aningaasaatit	19
7.8.6	Pisiortorfinnut akiitsunik naligiissaarineq	19
7.8.7	Avataanit aningaasaliissutit	20
7.8.8	Namminersorlutik Oqartussat pisortanilu aaqqissuussaanerit allat akornanni nuussinerit naligiissarneqarnerat	20
7.8.9	Oqimaaqatigiissitsinerup kukkunerisiorneqarneranut eqikkaalluni inerniliineq	20
7.9	AQUTSISUT NALUNAARUTAAT	21
7.10	NAATSORSUUTINUT NASSUIAATIT	21
7.11	AKIITSOQARFIIT ILISIMANNGISAT	22
8	KUKKUNERSIUISUTUT NALUNAARUTIT AAMMA NAATSORSUKKAT UPPERNARSAASIKKAT IL.IL.	22
8.1	KUKKUNERSIUISUTUT NALUNAARUTIT	22
8.2	NAATSORSUINERIT UPPERNARSAASIKKAT SULIASSALLU ALLAT	22
8.2.1	Suliassat allat	22
8.2.2	Namminersorlutik Oqartussat suliffeqarfiutaani kukkunerisuiineq	22
8.2.3	Ingerlatseqatigiiffinni tamakkiisumik pigineqartuni allani kukkunerisuiineq	23
9	AQUTSISUT NAATSORSUUTIT PILLUGIT UPPERNARSAANERAT	23
10	KUKKUNERSIUISUT UPPERNARSAANERA	24
ILANNGUSSAQ 1, KUKKUNERSIUISUT UPPERNARSAATAAT - KUKKUNERSIUINEQ PILLUGU INERNILIINEQ		
	25	
KUKKUNERSIUISUP ARLAANNAANULLUUNNIIT ATTUUMANNGITSUP UPPERNARSAASIINERA		
	25	
ILANNGUSSAQ 2, PILERSAARUTIT MALITSEQARTITSINISSARLU - INGERLATSINERMIK		
	KUKKUNERSIUINEQ AAMMA INATSISIT ATUUTSINNEQARNERINIK KUKKUNERSIUINEQ	29
ILANNGUSSAQ 3 IVERTINNEQARNERMI NALUNAARUT		
	30	

1 2025-MUT UKIUMOORTUMIK NAATSORSUUTIT KUKKUNERSIORNEQARNERINUT INERNILINEQ

1.1 AALLAQAASIUT

BDO Namminersorlutik Oqartussat kukkunersiuisutut nutaatut Inatsisartut 6. novembari 2025-mi ataatsimiinneranni toqqarneqarpoq.

Namminersorlutik Oqartussat 2025-mut naatsorsuutaanik kukkunersiueq BDO Statsautoriseret revisionspartnerselskabip ulloq 30. aprili 2025 naammassivaa.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2026-imeersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. Januari 2022-meersoq naapertorlugit kukkunersiueq ingerlanneqartoq pillugu matumuuna nalunaaruteqassaagut.

”Namminersorlutik Oqartussat 2025-mut ukiumoortumik naatsorsuutaat”-nni quppernerit 92-107 kukkunersiorneqarput.

Kisitsisit pingaarnert (mio. kr.):

	2025	2024
Naatsorsuutit naatsorsorneqarnerat		
Ingerlatsinermi angusat	163	-150
Ingerlatsinermi- sanaartornermi aamma	101	250
taarsigassarsititsisarnermi angusat (DAU-mi angusat)	109	257
Aningaasarsiuutigalugu taarsigassarsititsisarnermi iluarsisani angusat (DA-angusat).....		
Oqimaaqatigiissitsineq	2025-p naanerani	2024-p naanerani
Pigisat katillugit.....	10.385	10.522
Nammineq aningaasaatit / oqimaaqatigiissitsinermi konto..	-8.110	-8.273

”minus” isumaqarpoq = oqimaaqatigiissitsinermi kontumi sinneqartoorutit ajunngitsumillu angusaqarneq
 ”plus” isumaqarpoq amigartoorutit aamma pigisat tamarmiusut nalingi

1.2 KUKKUNERSIUISUT UPPERNARSAATAAT

Kukkunersiuisut uppernarsaataat tamakkiisoq ukiumoortumik naatsorsuutini qupperneri 4-7-imi atuarneqarsinnaavoq.

Kukkunersiueq ingerlanneqartoq tunuliaqutaralugu ukiumoortumik naatsorsuutit nangaassuteqarata, erseqqissaateqarata imaluunniit isorinninnernik oqaaseqaateqarata uppernarsaaserpavut.

Tamanna isumaqarpoq, Nunatta Karsiata naatsorsuutai ataatsimut katillutik eqqortumik takussutissiisut Nunatta Karsianik naatsorsuusiortarnermi periusissat naapertorlugit - aamma naatsorsuutini atuartussap naatsorsuutini naliinissaanut pingaarutilittut isigineqartut aallaavigalugit killiussap aalajangersimasup iluani suliarineqarput.

Naliliinerpulli tassaavoq nakkutilliisoqartarnera, tassunga ilanngullugu nakkutilliinermik iliuuserineqartunut - taakkunungalugu malitseqartitsisarnermut - uppernarsaasiortarneq aqqissuussaannermut Namminersorlutik Oqartussatut angissuteqartumut aamma katitigaasumut naatsorsuutigineqarsinnaasariaqaraluartut naapertorlugit tamatigut ingerlatsisoqartanngitsoq. Tamanna Namminersorlutik Oqartussanut aarlerinaatinik annertunerulersitsivoq, aammalu kukkunersiueq nukinnik atuiffiuneruvoq, allaffissornerup pisariinnerusumik aqqissuunneqarsimaneranut naleqqiullugu.

Qupperneri tullinnguuttuni atuarneqarsinnaasutut, suliassaqarfinni arlalinni allaffissornikkut annertunerusumik sukatereqqittoqarsinnaavoq. Tamatuma malitsigisaanik Namminersorlutik Oqartussanut aarlerinaatit annertunerulerput, aamma kukkunersiueq nukinnik pisariaqartitsiffiuneruvoq, allaffissornerup pitsaasumik aqqissuunneqarsimaneranut naleqqiullugu.

1.3 KUKKUNERSIUISUT OQAASEQAATAAT

2025-mut ukiumoortumik naatsorsuutit kukkunersiorneqarnerannut tunngatillugu kukkunersiuisut oqaaseqaataat, Inatsisartut Kukkunersiuinermut Ataatsimiititaliaannit oqaluuserineqartussatut naatsorsuutigineqartut immikkoortup 2.2.1-ip ataani allassimapput.

Kukkunersiuisutut oqaaseqaateqassanerluta ataavartumik nalilersuisussaataaavugut, isumaqarutta

- naatsorsuutitut ilanngunneqarsimasut Inatsisartut aalajangiineritut naapertuutinningsut
- inatsisit aalajangersakkallu atuuttut unioqqutillugit iliuuseqartoqarsimasoq
- nalunaarsugaq imaluunniit atuineq inatsisitigut toqqammavissaqarneri nalorninartutut isigigutsigu
- suleriaatsit pilersinneqartut misissornerini malunnaatilimmik nakkutilliiniarnermut amigaateqartut paasineqarpat kukkunersiuisut amigaataasutut paasisaminnik pitsanngorsaaniissamik siunnersuusiorsinnaammata
- suleriaatsit allaaserineqartut aamma malinneqarsimassanngippata
- Inatsisartut aamma Naalakkersuisut aalajangiineri aningaasaqarnermut naapertuuttumik isumagineqarsimannngippata.

Aallaqqaasiutigalugu erseqqissaatigineqassaaq Namminersorlutik Oqartussanut kukkunersiuisutut ivertinneqarnitsinnut atatillugu siornatigut oqaaseqaataasarsimasunik nalilersueqqissimagatta.

Taamaaliornikkut siornatigut kukkunersiuisut oqaaseqaatigisimasaat tamakkiisumik ilaatigulluunniit matuneqarput. Taarsiullugulu siornatigut oqaaseqaataasimasut ilarpassuit oqaaseqaatinik nutaanik taarserneqarput ajornartorsiutinik saqqummiunneqartunik uagut naliliinitsinnut naapertuuttunik.

2026-mut ukiumoortumik naatsorsuutit kukkunersiornerini pissutsinut uparuarneqartunut iluarsinissamut iliuutsinik aallartinneqartunik - taakkulu sunniutigisaannik malittareqqinnerput ingerlatiinnassavarput.

1.3.1 2025-mut ukiumoortumik naatsorsuutitut kukkunersiuisut oqaaseqaataat

2025-mut ukiumoortumik naatsorsuutitut kukkunersiuisut ingerlanneqartoq aningaasaqarnermik kukkunersiuinermut tunngatillugu kukkunersiuisut oqaaseqaateqarnissaannik pissutissaqartitsinngilaq:

Nr.	Oqaaseqaat	Immikkoortoq	Killiffik
2025.01	Taarsigassarsititsisarnermut suliassaqaarfik	1.3.2.1	Nutaaq
2025.02	Akilerartarnermut suliassaqaarfik - oqimaaqatigiisitsiffiusunik ukiunillu akilerarfiusunik naligiissaarineq	1.3.2.2	Nutaaq

Oqaaseqaatit ataasiakkaat itisiliiffiginerat:

1.3.2.1 Taarsigassarsititsisarnermut suliassaqaarfik

Taarsigassarsititsisarnermut systemip maanna atorineqartup nutaamik taarserneqarnissaa aalajangiunneqarpoq, datanillu systemimut nutaamut nussuineq 2025-mi ingerlanneqarpoq. Tamatumunnga tunuliaqutaasoq ilaatigut tassaavoq taarsigassarsititsisarnermut systemi maanna atorineqartoq teknologiimik pisoqqamik tunngaveqarmat aammalu taarsigassarsititsisarnermut aqqissuussinerit aqunnissaannut periarfissanik arlalinnik amigaateqarmat.

Taarsigassarsianilli allannortitsinerit aamma piffissami kingumut eqqortumik nalunaarsuinissamut unammilligassaqarneranik paasisaqarfiuvoq, tamannalu 2024-mi kukkunersiuisut oqaaseqaataanni immikkoortoq 2.3.5-imi allaaserineqarpoq. Pissutsit paasineqartut suli atuupput.

Qulaani allaaserineqartut saniatigut datanik misissuineri BSU-mut suliassaqaarfimmi makkuninnga unammilligassaqarnera paasineqarpoq:

- Pingaartumik qularnaveeqqusiussaqaarluni taarsigassarsinermi allagartat annertuumik unammilligassartaqarput, tassunga ilanngullugu nalunaarsuiffinnut eqqortumik allattorneqarsimannngitsumik qularnaveeqqusiussaqaarluni taarsigassarsinermi allagartat taamaatinneqarsimasut imaluunniit tammarneqarsimasut. Taamaalluni isumannaallisaanerit

suut atuunnersut, aammalu Namminersorlutik Oqartussat piumasaqaatinik atuuttuusunik peqarnersut aalajangersumik oqaatigissallugu ajornakusoorpoq.

- BSU-mik aaqqissuussinermit ernianik naatsorsuisarnerit arlaleriarluni regnearkit atorlugit pisarpoq, tamatumalu kingunerisaanik naatsorsuinerit eqqortuunersut, aammalu erniat akiitsullu sinneruttut naatsorsorneqarsimanersut nalornissutigineqalersinnaavoq.

Suliap tamatuma oqaloqatigiissutiginerata tunngavigalugu tamanna pillugu kukkunerisuiusutut oqaaseqaateqarpugut.

1.3.2.2 Akileraartarnermut suliassaqaarfik

Pisassarisaat ataanni ingerlatseqatigiiffinnut iluanaarutisianullu akileraarutinit kommunit ataatsimoorussamik akileraarutaannit ukiunut 2016-2025-mut kommuninut akiligassanut tunngatillugu naatsorsuinerit ilaatinneqarpugut. Naatsorsuinerit pigineqartut paasinarsisippaat nunatta karsia ullormi oqimaaqatigiissitsiffiusumi kommuninut akiligassaqaarsinnaasoq.

Naatsorsuinerinullu tunngaviusoq pillugu nalorninarartoqarnera paasineqarpoq, tassunga ilanngullugit piffissalersuinerit akiliinermullu tunngavissat naatsorsuinerit atorlugit. Kommunit ataatsimoorussamik akileraarutaasa aamma akileraarutit attuumassuteqartut agguataarnissaasa agguataarinissamat ilusiliat pisariusut ukiunullu siusinnerusunut nalimmassaaqqinnerit tunngavigalugit ingerlanneqartarnerat eqqarsaatigalugu tamanna isiginiarneqassaaq.

Nalorninarartoqarnerata qulaani allaaserineqartup malitsigisaanik pissutsit pillugit kukkunerisuiusutut oqaaseqaammik ilanngussivugut, akileraarutinit Namminersorlutik Oqartussat aqutaannik Namminersorlutik Oqartussat naatsorsuutaanni naatsorsuusiortarnikkut eqqortumik suliarinneqartarnerata qulakkeernissaa pingaaruteqartutut isigigatsigu.

1.3.2 Kukkunerisuiusut siornatigut oqaaseqaataannik malitseqartitsineq

BDO Namminersorlutik Oqartussanut kukkunerisuiusutut nutaamik ivertinneqartutut Namminersorlutik Oqartussat siornatigut kukkunerisuiusorisimasaata oqaaseqaatigisimasaanik malitseqartitsivoq.

Nr.	Oqaaseqaat	Immikkoortoq	Killiffik
2013-04	Nammineq nakkutilliinermut atatillugu akissarsiat tamakkiisut allattorsimaffiinik suliqaartarnerup pingaarutaanik erseqqissaanissaq	1.3.3.1	Peerneqarpoq
2020-01	Pisortani aaqqissuussaannut allanut pissaqaqatigiissutit naligissaarneqarnerat	1.3.3.2	Peerneqarpoq
2021-02	It - atuisunik aqutsineq	1.3.3.3	Peerneqarpoq
2021-03	Pisiniartarfinnut akiitsut aamma aningaaserivinni uninngasuutit naligiissarneqarnerat	1.3.3.4	Peerneqarpoq
2022-01	ESU-mi BSU-milu taarsigassarsianik aqutsineq	1.3.3.5	Allaqqinneqarpoq 2025.02

Kukkunerisuiusut siornatigut oqaaseqaataannik malitseqartitsinermit oqaaseqaatit.

1.3.3.1 Nammineq nakkutilliinermut atatillugu akissarsiat tamakkiisut allattorsimaffiinik suliqaartarnerup pingaarutaanik erseqqissaaneq

Akissarsiat tamakkiisut allattorsimaffiinik nassiussinermit aamma nassiussat akuerineqartarnerannut systemimik eqqussisoqarsimavoq. Systemili naatsorsuutigineqartutut tamatigut iluamik ingerlanngilaq, ima paasillugu sulisunut atorfeqarunnaarsimasunut akissarsianik akiliisoqarsinnaaneranut aarlerinaateqarsinnaavoq, tamanna suliassaqaarfimmi tamanut tunngatillugu missingersuutinit malitseqartitsinermit paasineqanngitsuussagaluarpat. Akissarsianik ataatsimoortumik kukkunerisuiinermut tunngatillugu amigaataanera kukkunerisuiusut oqaaseqaateqartitsisussatut isigineqanngilaq immikkoortoq 4-mi allaaserineqarnera naapertorlugi.

1.3.3.2 Pisortani aqqissuussaanernut allanut pissaqaqatigiissutit naligiissarneqarnerat
Suliassaqarfimmi kukkuneruiniinitta kingorna naliliinerput tamakkiisoq tassaavoq suliassaqarfiup aqunneqarnerani pitsanngorsaaniissamut periarfissaqartoq, aammalu suliaq aarlerinaatinut samminerutinneqarsinnaasoq. Naliliinerpulli tassaavoq pitsanngorsaaniissamut periarfissat aningaasaqarnermik aqutsinermi amigaatitut pingaarutilittut isigineqarunnaartoq.

1.3.3.3 it-atuisunik aqutsineq

Naliliivugut IT-atuisunik aqutsinermut tunngatillugu unammilligassat XAL-systemimut pisoqqamut annertunerusumik atassuteqartut, taannalu maannakkut killeqartorujussuarmik atorineqartarluni. Taamaattumik kukkuneruiniisut oqaaseqaataat manna matuneqassasoq toqqarneqarpoq.

1.3.3.4 Pisiniartarfinnut akiitsut aamma aningaaserivinni uninngasuutit naligiissarneqarnerat
Pissutsit naammattumik iluarsineqarsimasutut isigineqarput, kukkuneruiniisullu oqaaseqaataatut matuneqarpoq.

1.3.3.5 ESU-mi BSU-milu taarsigassarsianik aqutsineq

Oqaaseqaat peerneqarpoq 2005.1-imillu taarserneqarluni unammilligassat atuuttut eqqarsaatigalugit.

1.4 KUKKUNERSIUIINERMUT ATAATSIMIITITALIAP 2024-MUT NAATSORSUUTINUT TUNNGATILLUGU ISUMALIUTISSISUTAANIK MALITSEQARTITSINEQ

Siornatigut kukkuneruiniisuusimasup Nunatta karsiata 2024-mut naatsorsuutaanut kukkuneruiniisut oqaaseqaataa tunngavigalugu Kukkuneruiniinermut Ataatsimiititaliaq kukkuneruiniinermut oqaaseqaatinut Naalakkersuisut akissutaat noqqaassutigaat.

Akissutit tiguneqartut misissorpagut, taamatuttaarlu Kukkuneruiniinermut Ataatsimiititaliap Nunatta karsiata 2024-mut ukiumoortumik naatsorsuutaanut isumaliutissiisutaa misissorparput allanillu oqaaseqatissaqarata.

2 KUKKUNERSIUIINERMI PERIUTSIT ATORNEQARTUT

Naatsorsuutiniq kukkuneruiniineq siunertaqarpoq BDO inerniliisinnaaqqullugu, pingaernerpaartaatigut naatsorsuutit suliarineqarsimanersut, tassalu pingaarutilinnik kukkuneqanngitsumik amigaateqanngitsumillu, Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit.

Kukkuneruiniineq taamaallaat tunngassuteqarpoq suleriutsinut, ukiumoortumik nalunaarummi misinnartumik kukkuluttuteqarfiusinnaasunut imaluunniit Namminersorlutik Oqartussat ingerlatsinerannut isornartorsiutaasinnaasunut. Matuma saniatigut suliffeqarfik aamma arlalinnik suleriuseqarpoq, suliffeqarfiup ingerlatsineranut sunniuteqartunik, ukiumoortumilli nalunaarusiamut paasissutissanik katersinermi annertunerusumik pingaaruteqanngitsunik.

Kukkuneruiniinermi ilaatigut ukiumut nalunaarusiat eqqortuunersut misissorneqassapput, aamma pissutsit naatsorsuutiniq saqqummiussinermi pineqartut aningaasaliissutinut, Inatsisartut aamma Naalakkersuisut aalajangiinerinut allanut, inatsisinut najoqqutassanullu allanut kiisalu isumaqatigiissutigisanut aamma suleriaatsinut nalinginnaasunut naapertuunersut misissorneqassallutik.

Kiisalu nalilersorneqartarpoq Inatsisartut aamma Naalakkersuisut aalajangersagaat aammalu suliffeqarfimmi ingerlatsiveqarfimmi susassaqarfiit allat, aningaasaqarneq eqqarsaatigalugu tulluurtumik ingerlanneqarnerisut.

Kukkuneruiniineq ilanngussanik nuusanillu tamanik misissuilluni ingerlanneqarneq ajorpoq, misiligutinilli tiguisarluni uppersaatinik misissuinnikkut imaluunniit allatut iliorluni naatsorsuuserineq uppersarneqartarluni ukiumullu naatsorsuutit eqqortumik suliaasimanersut paasiniarlugit ingerlanneqartarluni. Tamatumunnga atatillugu illup iluani nakkutilliinermik suleriutsit atorineqartut misilerartarpagut, tamanna ukiumoortumik nalunaarummik kukkuneruiniinitsinnut pisariaqartikkaangatsigu.

Namminersorlutik Oqartussanni ingerlatsineq annertunertigut suleriaatsinik systeminit ikorfartorneqartunik tunngaveqarpoq. Taamaattumik immikkoortuni pingaaruteqarnerusuni periarfissaatillugu nakkutilliinerulluni kukkuneruineri periuseq piareersarnikuuarput, paarlattuanik killilimmik imaqtumik aallaavilimmik iliuitsit suliarineqartarlutik.

Kukkuneruineq ilaqarpoq suliassaqarfiit pingaarutillit tamaasa misissuiffiginerini, tamakkunanilu suleriaatsit illullu iluani nakkutilliinernut tunngassuteqartut.

Naatsorsuutit immikkuualuttuinut allanut ukiumoortumik nalunaarummi kukkuluttuutaasinnaasut nalinginnaasut nalilernerqarput, tamakkunatigullu kukkuneruineq annikinnerusimalluni.

2.1 PINGAARUTEQARTITSINERMI QAFFASISSUSEQ

Kukkuneruinerisamat pilersaarusiornermini BDO-p aalajangertarpar, pingaaruteqartitsineri qaffasissusissaq akuerineqarsinnaasoq, aningaasartallinnik pingaarutilitsigut kukkusumik paasissutissiinnisaq qulaarniarlugu. Aningaasap annertussusia (kvantitativ) sumullu tunngasuunera (kvalitativ) tunngavigalugu kukkusumik paasissutissaq nalilernerqartarpoq.

Pingaaruteqartitsineri qaffasissusissaq naatsorsuutini atorneqartussa qulaarniarlugu, aalajangerneqartarpoq, kukkuneruinerullu pilersaarusiornerani naammassineranilu atorneqartarluni.

Pingaaruteqartitsineri qaffasissusissaq pilersaarusiornerisinni pingaaruteqartarpoq susassaqarfinni aalajangersimasuni kukkuneruinerup qanoq annertutiginnisaanut. Susassaqarfiit pingaaruteqartitsineri qaffasissusissamik amerlanerusunik aningaasartallit tamarmik kukkuneruinerneqassapput.

Pingaaruteqartitsineri qaffasissusissaq kukkuneruinerup naammassinerani pingaaruteqartarpoq, oqaaseqaatitaqanngitsumik uppersaasiinissatsinnut. Kukkusut angisooq naatsorsuutini ikkusimaffimmu aalajangersimasumuinnaq attuumassuteqarpat, taava naatsorsuutini taanna kisiat oqaasertaliiffigalugu uppersaasiisoqarsinnaavoq.

Naatsorsuutit nangaassuteqarnata eqqortuunissaannut kukkunerup qanoq annertutigisup akuersaarsinnaaneranut pingaaruteqartitsineri qaffasissusissaq aalajangiisuvoq.

Aammattaaq pissutsit ukiumoortumik naatsorsuutini iluarsuiffiqarsimanngitsut pillugit Inatsisartut ilisimatissavagut:

2025-mut naatsorsuutini saqqummiussinermut atatillugu pissutsinik taama itturnik iluarsineqarsimanngitsunik naammattuugaqanngilagut.

Kukkuneruinerup aqqissuunera ingerlanneqarneralu aammalu pisortaqatigiit kukkuneruinerisullu suliassaat akisussaaffigisaallu pillugit ivertinneqarnermi nalunaaruteqarnerput innersuussutigissavarput (ilannussaq 3).

2.2 PEQQUSERLUTTULIORTOQARSINNAANERA PILLUGU PISORTAMIK OQALOQATEQARNEQ

Kukkuneruinerup ingerlanerani pisortat aperisimavagut peqquserluttuliortoqarsimaratarinnaanera pillugu. Aqutsisut uagutsinnut ilisimatitsissutigaat Namminersorlutik Oqartussat aqutsisut naliliinerat naapertorlugu nakkutilliissuteqartut ukiumoortumik naatsorsuutit paasissutissanik kukkusunik pingaarutilinnik imaqsinnaanerani qulaajaasussamik, tassunga ilannullugu peqquserluttuliortoqarnerata malitsigisaanik kukkusumik paasissutissiisoqarneranik.

Aqutsisunit aamma paasissutissiissutigineqarpoq peqquserluttuliortoqarsimanerani imaluunniit peqquserluttoqarsimasorinnermik misissuisoqarneranik ilisimasaqaratik kukkuneruinerisumut ilisimatitsissutigineqartut saniatigut aammalu naatsorsuutitut saqqummiunneqartunut sunniuteqanngitsoq.

2.3 NAKKUTILLIINISSAMIK SUUSUPAGINNINNEQ

Aqutsisut nakkutilliinissamik suusupaginninnerat kukkunersiuinermit malitassaq 240 malillugu annertuumik aarlerinaateqartuaannarpoq.

Aqutsisut nakkutilliinissamik suusupaginnissimasinnaanerit paasiniallugu kukkunersiuinermit iliutisunik ingerlataqarpugut. Iliutsit suliaasaqarfiillu ukkatarisavut immikkoortumi matumani allaaserivagut.

Aqutsisut nalinginnaasumik ima atorfeqartinneqartarput taakkununga peqquserluutisunik ingerlatsisinnaaneq periarfissaalluni, aqutsisut naatsorsuutitut atortussanik uukapaatitsisinnaagamik nakkutilliinernik tunulliusinikkut, taakkununga pitsaasumik ingerlasorinaraluartunik.

Inuit marluk imaluunniit arlallit aqqissuussani assigisaanilu naammattunik pisinnaatitsissuteqartut nakkutilliissutit pilersinneqarsimasut tunulliuatissallugit suleqatigiikkunik, taava tamassuma paasinissaa ajornakusoortorujussuusinnaavoq.

Peqquserlunnerit imaluunniit peqquserlunnerussangatinneqartut pillugit ulluinnarni aqutsisunut oqaaseqaatinik piniartussaavugut. Iliutsit taakku Namminersorlutik Oqartussat immikkuullarissumik ilusiligaanerannut naleqqussagaapput, oqaaseqaatinik taakkuninnga taamaallaat Aningaasaqarnermut Akileraartarnermullu Naalakkersuisoqarfimmut Naalakkersuisunut tamanut sinniisutut oqaaseqaatinik piniarfigigatsigu.

Naalakkersuisoqarfimmit uagutsinnut paasissutissiissutigineqarpoq:

- Peqquserlunnernik pinaveersaartitsinermit paasinissaannullu nammineq nakkutilliinerit ilusilersornissaannut, atulersinnissaannut malinnaatinnissaannullu akisussaafeqarlutik,
- Ukiuhoortumik naatsorsuutit aqutsisullu nalunaarutaata peqquserlunnerit malitsigisaannik annertuumik kukkusunik paasissutissanik imaqaarsinnaanerisa aarlerinaataanik nalilersuinermit inertera ingerlateqqissimallugu,
- Peqquserlunnernik, peqquserluttoqarsimaneragaanernik imaluunniit peqquserlunnerussangatinneqartunik ilisimasaqaratik taamatuttaarlu naatsorsuutisunik allanngortiterisoqarneratigut imaluunniit pigisanik atornerluisoqarneratigut ukiuhoortumik naatsorsuutini annertuumik kukkuneqarnissaanut immikkut aarlerinaateqannginnera nalilerneqartoq.

Ukiuhoortumik naatsorsuutit naammassineqarnerannut- aamma nalunaarutiginninnermut periutsit nammineq nakkutilliiffigineqarnerat naliliiffigaavut. ERP-systemimit (PRISME), fakturaflowsystemimit (IRIS) aamma akissarsialerinermit systemimit (MR-løn) paasissutissat tamaasa piniarpagut.

Paasissutissat taakku nalinginnaangitsunik nuussisoqarsimasinnaaneramik misileraaffigeqqippagut. Aarlerinaatinik naaperiaaniarluta ullup oqimaqatigiissitsiffiup aamma naatsorsuutit naammassineqarfissaasa nalaanni inissitsikkat misilinneqarnerannik ingerlatsivugut, misilittakkanit ilisimagatsigu, nakkutilliinernik tunulliusisoqarnissaanut aarlerinaatit piffissami tassani ilimanaateqarnerusartut.

Nuussinernik annertuumik nalinginnaangitsunik paasisaqanngilagut.

Aqutsisut nakkutilliinernik tunulliusinerannit ukiuhoortumik nalunaarummi kukkunernik amigaatinillu suussusersisaqanngilagut.

2.4 UKIUP INGERLANERANI KUKKUNERSIINEQ INGERLANNEQARTOQ

Ukiup ingerlanerani kukkunersiineq ilaatigut ingerlanneqarpoq immikkoortortat aalajangersimasut pulaartarnerisigut, tassunga ilanngullugit Aningaasaqarnermut Sulisoqarnermullu Aqutsisoqarfiup ataani immikkoortortanut aammalu Akileraartarnermut Aqutsisoqarfimmut.

Tamatuma saniatigut Namminersorlutik Oqartussani Nammineq Kukkunersuisut, immikkoortortanut avataaniittunut naatsorsuusiorfiusunut arlalinnut ukiup ingerlanerani pulaartartut, nalunaarusiaat misissorpagut.

Ingerlaavartumik kukkuneruinerup siunertaraa, pisut nalaanni susassaqtullu peqatigalugit kukkuneruinerup, periarfissiisooq pitsanngorsaataasinnaasunik siunnersuuteqarnissamut, aningaasartuutaasinnaasut navialiffiusinnaasullu soorunami ilanngullugit eqqarsaatigalugit, kiisalu qulakkeerumallugu Namminersorlutik Oqartussat naatsorsuutaasa isumannaatsumik tunngavissagissaarlunilu suliarineqarsinnaanerat.

Namminersorlutik Oqartussat suleriaasii misissuiffigivagut, paasiniallugu ukiumoortumik naatsorsuutini sumi annertuumik kukkunissamut periarfissaqarnersoq. Paasisaqarutta tamakku saqqummiutissavagut, suliffeqarfiup paasiniassammagu kukkuneruinerup tungaatigut immaqalu naatsorsiornerup tungaatigut kinguneqassanersut.

Ingerlaavartumik kukkuneruinerup Namminersorlutik Oqartussani illup iluani nakkutilliinerup periutsit, IT-mik atuilluni nakkutilliinerit aamma immikkoortortaqaqfinni immikkut toqqarlugit suleriaasit misissuiffigisimavagut. Pingaartuutissimavagut aqutsineq siulersuinerlu aallaavigalugit kukkuneruinerup ingerlatsissalluta, taamaaliornitsigullu Namminersorlutik Oqartussani siunertat periutsillu aqqissuunneqarsimasut ukkassimavagut, kiisalu periutsit siunertallu tamakku periaatsinit aqqissuussaasunit aqutsisuniillu nakkutigineqarnersut.

2.5 INAARUTAASUMIK KUKKUNERSIUNEQ

Kukkuneruinerup naammassisap siunertarivaa, ukiup ingerlanerani kukkuneruinerup naammassisamik tunngaveqartumik inerniliussaasut il.il. sulit atuuttuunissaasa uppersarnerneqarnissaat.

Inaarutaasumik kukkuneruinerup ilanngullugu siunertaraa, suliffeqarfiup naatsorsuutaasa annertuumik kukkuneqannginnissaasa qulakkeernissaat.

Tassa imaappooq naatsorsuutit pingaarnepaartaatigut suliarineqarsimanersut, tassalu pingaarutilinnik kukkuneqanngitsumik amigaateqanngitsumillu, Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit.

3 NAATSORSUUSERINEQ ILLULLU ILUANI NAKKUTILLINEQ

3.1 NAATSORSUUSERINERMI NAJOQQUTASSAT

Namminersorlutik Oqartussat suleriaatsinik aamma illup iluani nakkutilliinerup allaaserisai misissorpagut. Taamatuttaarlu naliliiffigaarput Namminersorlutik Oqartussat allaaserisaat aningaasanik aqutsinerannik, karseqarnerannik naatsorsuuseriveqarnissaallu pillugu malittarisassat pillugit sinaakkutissanik maleruagassanillu nalinginnaasumik atornerqartunik naammassinninersut.

Inerniliineq

Isuqaarput allaaserineqartut pisariaqartut ilaatigut suliffeqarfiup karseqarnermut naatsorsuuseriveqarnermullu sinaakkutissai malittarisassaalu allaaserineqarsimasut, tassunga ilanngullugit illup iluani nakkutilliinerit aqutsisullu nakkutilliinerisa qaffasissusiat.

Immikkoortuni tullerni nakkutilliinerit suleriaatsillu pingaarutillit ulluinnarni qanoq ingerlasarnersut misilerarparput.

3.2 AKILIGASSANIK SULIAQARNEQ, SULIASSAQARFINNIK AVISSAAQQATITSINEQ ILLULLU ILUANI NAKKUTILLINEQ

Namminersorlutik Oqartussani pisiniarnerni illup iluani nakkutilliisarneri suleriaasalu, matumani ilanngullugu akiligassat allagartaannik suliaqarnerup Namminersorlutik Oqartussat malittarisassat suleriaasissat allaaserineqarnerini aalajangersarneqartut malinneraat sukumiisumik samminiarlugit qinersimavagut.

Allaaserisat Namminersorlutik Oqartussani elektroniskiusumik akiligassat allagartaannik suliaqarnerup tunngaviusumik maleruagassanik makkuninnga imaqaarput:

- Uppernarsaatissat tamarmik tunngaviatigut inunnit marlunnit akuerineqartartussaapput.
- Missingersuutinut akisussaasoq atuinermik qaammatikkuutaartumik malitseqartitsisassaaq tamatumunngalu uppersaasiortarluni.

Akilgassanik ataasiakkaanik isumaginninnermi illup iluani nakkutilleeriaatsinik tamakkunanga malinninersut aammalu tulluurtumik isumannaatsumillu aqqissuunneqarsimanersut misissorparput.

Inerniliineq

Paasinninnerput malillugu Namminersorlutik Oqartussat pisiniarnernut suleriaasissat, tassunga ilanngullugit ilanngussanik suliarinnittarneq ataatsimut isigalugu toqqissisimanartumik ingerlalluurtumillu aqqissuunneqarsimavoq.

4 AKISSARSIAT SULISOQARNERMULLU TUNNGASUT

Akissarsialerinerimik kukkunersuinerup siunertaraa akissarsianik nalunaaruteqartarnermi akiliuteqartarnermilu suleriaasissat illullu iluani nakkutilliinerit toqqissisimanartumik ingerlanneqarnissaasa qulakkeernissaat.

Akissarsialerineq Aningaasaqarnermut Sulisoqarnermullu Aqutsisoqarfimmit (ASA) isumagineqarpoq, tassangaanniillu Namminersorlutik Oqartussani sulisunut tunngatillugu akissarsititsisoqartarpoq sulisoqarnermullu tunngasunik suliaqartoqluni.

Akissarsianik misissuinitinni aallaavigaarput suleriaatsit illullu iluani nakkutilleeriaatsit, aningaasarsiat pilersarnerannut sunniuteqartut, qitiusumi ungataatungaani. Nakkutilliinerit pingaernerit misilittarpagut ilaatigut tassaasut

- Akissarsiat taamaallaat inunnut akissarsianut systemimi nalunaarsorneqartunut akilerneqarsinnaapput
- Nutaanik nalunaarsuinerit tamaasa inunnit marlunnit nakkutigineqartassapput, aamma isumaqatigiisummi eqqortumik inissiisoqarsimaneranut, tapisiassanut paasissutissanullu tunngaviusunut pisariaqartunik uppersaateqarnissaa nakkutigissavaat
- Akissarsiat immikkoortuinik allanngorartunik nalunaaruteqarneq (qaangiuttoornerit, unnukut sulineq, ataasiaannartumik akissarsiat il.il.) sulisup immikkoortortaqaqarfimmi aqutsisuanit akuerineqartassapput
- Akissarsiat tamakkiisut allattorsimaffii immikkoortortaqaqarfimmi aqutsisunit misissorneqassapput eqqortumik akissarsititsisoqarnissaa qulakkeerniarlugu
- Atorfeqarunnaartunik nalunaaruteqartarnissaa akissarsiallu piffissami eqqortumi unitsinneqarnissaannik nakkutiginninnissaaq immikkoortortat avataniittut akisussaaffigaat. Kingullertut taaneqartoq ilaatigut akissarsiat tamakkiisut allattorsimaffiinik nakkutilliinikkut pissaq
- Kiisalu akissarsianut systemip. Aningaasaqarnermut systemip Sulinal-imullu nalunaarutit akornanni ullunik naligiissaarisoqassaaq

Suleriaatsit qulaani allaaserineqartut tunngavigalugit akissarsianik suliat arlallit suleriaatsinik misissuinnissamut toqqarneqarput, aammalu akissarsiat uppersaatinut tunuliaqutaasunut misilittarneqarput. Kukkunersuineq ingerlanneqartoq oqaaseqaateqarnissamut pissutissaqartitsinngilaq.

Akissarsialerineri ataasiakkaani naggasiutitut akiliuteqarnerup kingorna akissarsiat tamakkiisut allattorsimaffiannik suliaqartoqartarpoq, taannalu immikkoortortanut ataasiakkaanut nassiuunneqartarpoq eqqortumik akissarsititsisoqarsimaneranik nakkutilliinissamut. Akissarsiat tamakkiisut allattorsimaffiat taanna pillugu aqutsisut ataasiakkaat utertitsiviginnissapput. Akissarsiat tamakkiisut allattorsimaffiisa akuerineqarlutik nassiuunneqartarnerinut nakkutigineqartarnerinullu systemimik nutaamik eqqussisoqarsimavoq. Systemili naatsorsuutigineqartutut pissutsini tamani iluamik ingerlangilaq, aamma sulisunut atorfeqarunnaartunut akissarsititsisoqarsinnaaneranut aarlerinaateqarpoq, tamanna suliaqaqarfimmi tamanut tunngatillugu missingersuutinik malitseqartitsinerimik paasineqanngippat.

Inerniliineq

Naliliinerput malillugu akissarsialerinerup ingerlanneqartarnera annertunerpaartaatigut toqqissimanartumik aqqissuunneqarsimavoq, aammalu illup iluani nakkutilliinernik naleqquttunik eqqussisoqarsimasoq.

Akissarsialli tamakkiissut allattorsimaffiitut malitseqartitsisarnermi sulisunut atorfeqarunnaarsimasunut akissarsititsisoqannginnissaanik qulakkeerinnittussami amigaateqarnera paasivarput. Inassutigissavarput akissarsiat tamakkiisut allattorsimaffiit sukumiinerusumik malitseqartitsisoqartassasoq, imaluunniit atorfeqarunnaartoqarnerani tamani aamma akissarsiat unitsinneqartarnissaat allatigut qulakkeerneqassasoq.

Akissarsianik aqutsinermut illup iluani suleriaasissanut allaaserisanik nutartikkanik peqartoqannginnera paasineqarpoq.

Uagut isumaqarput malillugu taama ittut pigineqartariaqarput, aammali peqatigisaanik naliliivugut illup iluani nakkutilliinerit pigineqareersut akissarsialerinerput suliassaqarfimmi annertuunik kukkusoqannginnissaanut illersorneqarsinnaasumik isumannaallisaataasut.

5 INATSISIT ATUUTSINNEQARNERANNIK KUKKUNERSIUINEQ PISORTALLU INGERLATSIVIINI INATSISIT MALILLUGIT KUKKUNERSIUINEQ, PISORTAQARFINNI KUKKUNERSIUINERMUT NAJOQQUTASSAT MALILLUGIT (SOR 6 AAMMA 7)

Inatsisitigut pisussaaffigisamik kukkunerisuineq Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-imeersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit aningaasaqarnikkut kukkunerisuinermik, inatsisit tunngavigalugit isornartorsiulluta kukkunerisuinermik aammalu ingerlaavartumik ingerlatsivinnik kukkunerisuinermik imaqarpoq.

Inatsisit atortinneqarnerat pillugu kukkunerisuineq aamma pisortat ingerlatsiviinik kukkunerisuineq pisarpoq aningaasarsiorneq pillugu kukkunerisuinermut ilanngullugu peqatigitillugulu suliassaqarfinni inatsisitigut aqunneqartussaasuni suliassaqarfinnilu pingaaruteqartuni.

5.1 SIUNERTAQ

Pisortanut kukkunerisuinermi ("SOR") suliatigut periutsini aalajangersarneqarpoq, kukkunerisuilluni ingerlatsinerup tamakkiisup ilaatut Inatsisit tunngavigalugit kukkunerisuineq aamma Ingerlatsivinnik kukkunerisuisarnerup iluani pilersaarutinut sammisanut allattukkanut aalajangersimasunut arlalinnut kukkunerisuisartup ukiut tallimanut misissuissaaq.

Ukioq manna sammisaq inatsisit atortinneqarnerat pillugu kukkunerisuinerup ataani samminiartutigu toqqarsimavarput "Akissarsiat atorfinitsitsinermilu aalajangiinerit" aamma pisortat ingerlatsiviini kukkunerisuisarnerup ataani "Suliniutinik isumalluutinillu aqutsineq.

5.2 KUKKUNERSIUINERUP ANNERTUSSUSIA INGERLANNEQARNERALEU

Akissarsianut suliassaqarfimmi kukkunerisuineq suleriaatsit illullu iluani nakkutilliinerit qulaani immikkoortup 4-p ataani allaaserineqartunik aallaaveqarpoq. Pingaartumillu akissarsianut sulianik nutaatut pilersinneqartunik misissugassanik tigusisarlu misissuineq tunngavigalugu sulianik kukkunerisuineq ingerlapparput.

2025-mut akissarsianut suliani misissugassanik tigusisarlu misissukkani nutaanik pilersitsinermut atatillugu marloqiusamik nakkutilliisarneq tamatigut uppernarsaasiorneqartarsimanngilaq - taamatullu aamma qanoq siviisutigusumik sulisimanermut piginnaasanullu tapinut il.il. eqqortumik inissiiissamik tunniussinissamillu nakkutilliisarnermut tunngatillugu.

Aammattaaq paasivarput akissarsianut suliassa qarfimmi sulianik aqutsinermi pitsaassutsimik nakkutilliinermik kingornatigut aamma ingerlatsisoqarneq ajortoq.

5.3 INATSISIT ATUUTSINNEQARNERAT PILLUGU KUKKUNERSIUINERUP INERNERA

Misissugassatut tigusiffigisatsinni paasivarput akissarsititsinerit akissaatitigut isumaqatigiissutit isumaqatigiissutillu atuuttut naapertorlugit ingerlanneqarsimasut.

Misissugassatut tigusiffigisat aallaavigalugit paasinninnerput naapertorlugu suliffeqarfiup aningaasarsiatigut aamma atorfeqartitsinikkut inissisimaffii isumaqatigiissutaasartut atuuttut isumaqatigiissutaasartullu allat atuuttut piumasaqaataasunut naapertuupput.

Misissugassanik tigusilluni misissukkani kukkunernik amigaatinilluunniit annertuunik nassaangilagut.

Misissuinerli sulisunik nutaanik atorfinitsitsinerit marloqiusamik nakkutilliisernerup nukittorsarneqarnissaanut inassuteqarnissamut pissutissaqartitsivoq.

5.4 PISORTAT INGERLATSINERANNIK KUKKUNERSIUINERUP INERNERA

Namminersorlutik Oqartussat akissarsianut suliassa qarfimmi missingersuutininik aqutsinerata misissorneqarnera tunngavigalugu aqutsineq pisuussutinik nalilinnik atuinnermut tunngatillugu pingaarnerusutigut illersorneqarsinnaasutut isigineqarsinnaavoq.

Naliliinnerput malillugu aningaasaqarnermik ingerlaavartumik aqutsineq, missingersuutininik malitseqartitsinerit kvartalikkuaartut ilanngullugit, sammisanik pisuussutinillu nalilinnik aqutsinerit ikorfartuupput pisuussutinik nalilinnik sipaarniarfiusumik, angusaqarfiullu aqutsinerit sunniuteqarluartumillu atuinnermut tunngatillugu.

Misissuineq inassuteqaateqarnissamut pissutissaqartitsinngilaq.

5.5 INGERLATSINERMIK KUKKUNERSIUINERMIK MISISSUINERIT ANGINERUSUT

Misissuisitsinerit anginerit Kukkunersiuinnermut Ataatsimiititaliamit imaluunniit Naalakkersuisunut ilaasortanit aallartinneqarsinnaapput.

Misissuinerit anginerit pilersaarusiorneqartarput misissuinerit sammisassaq aalajangersimasoq aallaavigalugu, taakkunani ilanngunneqarlutik aningaasaqarnermut aamma inatsisinut tunngasut. Sammisassat Kukkunersiuinnermut Ataatsimiititaliamit imaluunniit Naalakkersuisunut ilaasortanit siunnersuutigineqarsinnaapput, soorlu BDO avataanit kukkunersuisutut nammineq sammisassanik siunnersuuteqarsinnaasartoq.

5.5.1 Misissuinerit anginerit Kukkunersiuinnermut Ataatsimiititaliamit suliakkiissutigineqartut

Kukkunersiuinnermut Ataatsimiititaliaq Nunatta karsiata kukkunersuisuanut ingerlatsinermik kukkunersiuinnermik misissuinnermik anginerusunik 2025-mi suliakkiissuteqanngilaq.

5.5.2 Misissuinerit anginerit Naalakkersuisunut ilaasortanit suliakkiissutigineqartut

Ilinniartitaanerit, Kultureqarnerit, Timersornerit ilageeqarnermullu Naalakkersuisoqarfirmut ingerlatsinermik annertusisamik kukkunersiuinnermik 2025-mi suliqaarpugut. Ingerlatsinermik kukkunersuineq Timersornerit suliassa qarfimmi tapiissutinik aqutsinerit tunngavoq.

Tamatuma saniatigut Naalakkersuisunut ilaasortanut misissuinnermik anginerusunik suliqaanngilaq.

6 ILLUP ILUANI IT-MIK NAKKUTILLIINERMIK KUKKUNERSIUINEQ

Kukkunersiuinnermut ingerlanneqartumut nassuiaat

2025-mut kukkunersiuinerup ilaatut it-p iluani suleriaatsinik illullu iluani nakkutilliinernik kukkunersiuineq ingerlapparput. Kukkunersiuinerup ilaapput Namminersorlutik Oqartussat it-systeminut it-mik nakkutilliinerit suliffeqarfiup naatsorsuuserineranut naatsorsuutinillu saqqummiussineranut attuumassuteqartut.

Kukkunersiuinerup annertussusia

Kukkunersiuinerup ilaapput Namminersorlutik Oqartussat it-systeminut it-mik nakkutilliinerit Namminersorlutik Oqartussat naatsorsuuserinerannut naatsorsuutinillu saqqummiussinerannut attuumassuteqartut.

2025-mi kukkunersiuinerup suliaasaqarfiit makku iluani nakkutilliinerit immikkut toqqakkat ilaatinneqarput:

- Prisme: Pisiniarnermut, allanguinerup malinnaatitsinermullu, isertunut isumannaallisaanermut, tassunga ilanngullugit atuisunik aqutsinermut, atuisutut pisinnaatitaaffinnut, isertunik nakkutilliinerup namminerlu pisartumik datanik suliarinninnerup suleriaatsit nakkutilliinerillu.
- MR-løn: Isertunut isumannaallisaanermut suleriaatsit nakkutilliinerillu, isertunut isumannaallisaanernerit, tassunga ilanngullugit isertunut isumannaallisaanermut, tassunga ilanngullugit atuisunik aqutsinermut, atuisutut pisinnaatitaaffinnut aamma systemimik aqutsinermut.
- IRIS: Isertunut isumannaallisaanermut suleriaatsit nakkutilliinerillu, tassunga ilanngullugit atuisunik aqutsinermut, atuisutut pisinnaatitaaffinnut aamma systemimik aqutsinermut.
- eSkat: Isertunut isumannaallisaanermut suleriaatsit nakkutilliinerillu, tassunga ilanngullugit atuisunik aqutsinermut, atuisutut pisinnaatitaaffinnut aamma systemimik aqutsinermut.
- Microsoft AD: Patchmanagementimut suleriaatsit nakkutilliinerillu, isertunut isumannaallisaanermut, tassunga ilanngullugit atuisunik aqutsinermut, iserup nakkutilliinerup aamma systemimik aqutsinermut.
- Attaveqaatit isumannaallisarneqarnerannut.
- Data backup aamma pilersitseqqinneq

Kukkunersiuinerup aamma ilaavoq siorna illup iluani nakkutilliinerup amigaatinik paasineqartunik malitseqartitsineq.

Inerniliineq pingaarneq

Uagut isumaqarpugut Namminersorlutik Oqartussat illup iluani it-mik nakkutilliinernik naleqquttunik atulersitsisimasooq, paasissutissat it-systemit naatsorsuuserinerup aamma naatsorsuutinik saqqummiussinerup tunngatillugu suliarisartagaata innarligassaanninnerannut aamma datat isumannaallisarneqarnerinut iluaqutaasunik.

Kukkunersiuinerup paasivarput suleriaatsini aamma illup iluani nakkutilliinerup nakkutilliinerup ataasiakkaanik amigaateqartoq, tassunga ilanngullugit atuisunik aqutsinermut aamma allanguutinik aqutsinermut tunngatillugu. Taakku minnerunngitsumik aqutsisutut pisinnaatitaaffinnik aqutsisut akuersisussaaneqarnerannut atassuteqarput.

Aqutsisutut pisinnaatitaaffeqarnerup atuisumit nalinginnaasumit annertunerup suleriaatsit pinginaatitaaffeqarpoq. Taamaalluni datanik allangortiterisinnerup periarfissat aarlerinaatillu annertunerup arput. Taamaattumik pisinnaatitaaffinnik taamatut itunik tunniussinerit aqutsisutit allakkatigut akuerineqartarnissaat pingaaruteqarpoq.

Nakkutilliinerup amigaatit sanngeequtaasullu taakku systeminut ingerlatsinermilu akisussaasunut nalunaarutigineqarput.

It-mik atuinnermut tunngatillugu naammattumik isumannaallisaaasoqarnissaa qulakkeerniarlugu 2026-mi tamanna malittareqqinniarparput. Namminersorlutik Oqartussat it-mik atuinnermut immikkoortuinut, soorlu Kimik IT-mit, Combymit, Schultzimit, Fujitsumit aamma Inussuk IT-mit akisussaaffigineqartunit, kukkunersuiusut nalunaarutaat sulii pissarsiarineqangitsut nangaassuteqarfiunatillu imaluunniit ilassutitut paasissutissartaqanginnissaat inerniliinitsinnut apeqqutaatipparput.

7 UKIUMOORTUMIK NAATSORSUUTIT KUKKUNERSIORNEQARNERAT

7.1 NAATSORSUUTIT ILUSILIGAANERAT IMARISAALLU

Namminersorlutik Oqartussat ukiumoortumik naatsorsuutaat Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit suliarineqarput.

Suleriaatsit illullu iluani nakkutilliinermik aqqissuussinerit, qarasaasiatigut nakkutilliinerit ilanngullugit, Namminersorlutik Oqartussat atulersissimasaat ukiumoortumik naatsorsuutitut naatsorsuutitigut tunngavissat tulluurtut qulakkeerumallugit misissorpagut.

Misissuunitsinni nalilersorsimavarput, Namminersorlutik Oqartussat naammattumik qulakkeerininniansimansoq eqqortumik naatsorsuusiornissaq pillugu, suleriaatsit, akisussaaffiliinerit, aqutsisut nakkutilliinerinik atuilluni, ilanngullugit atortuutitut pilersaarutit aqutseriaatsillu allat.

Pisariaqartumik immikkoortitereqqinnissat paasineqarnissaannut naatsorsorneqarnissaannullu tulluurtumik tunngavissamik pigisaqartoqarnersoq paasiniarnikuuarput.

Ukiumi kingullermi naatsorsuutitut sanilliullugu Namminersorlutik Oqartussani naatsorsuutitut suliaqartarnermik allannguisoqarsimansoq naliliiffigaarput, taamaattoqarsimappallu allannguutit Naalakkersuisunit akuerineqarsimansut.

Inerniliineq

Namminersorlutik Oqartussat naatsorsuutitut saqqummiussinissamut piffissamut pilersaaruteqartut naatsorsuutitut eqqortumik saqqummiussinissamut iluaqutaasussamik suliaasnik agguataarisimasut paasivarput.

Isumaqarpugut Namminersorlutik Oqartussat naatsorsuutitut saqqummiussinerat naatsorsuutitut saqqummiussinermut piumasaqaatit atuuttut naapertorlugit ingerlanneqartoq.

7.2 MISSINGERSUUTINIK ANINGAASALIISSUTINILLU NAKKUTILLINEQ

Naatsorsuussinermi immikkoortortat Aningaasanut inatsimmi aningaasaliissutit sumut qanorlu atorineqarnissaannut aamma amerlassusissaannut aalajangersakkanik eqqortitsinissaannik ingerlaavartumik malitseqartitsisoqarnissaannik qulakkeerininnissamut suleriaasissannik pilersitsisoqarsimannik misissorpaput.

Tamatumunnga ilanngullugu naalakkersuisoqarfinni aqutsisut nalunaarutaat aammalu 2025-mut naatsorsuutitut nassuiaataat misissorpagut. Taamaalluta nassuiaatit nalunaajaanerillu assigiinngisitaartumik pitsaassuseqarnerat paasivarput tak. immikkoortumi 7.9-mi allaaserineqarnerat. Taamaattumillu naliliivugut suliaq nukittorsarneqarsinnaasoq taamaaliortoqartariaqartorlu.

7.2.1 Pisortat kontunut pilersaarutaannik ataatsimoorussamik atuineq

PRISME-mik (aningaasaqarnermik aqutsissut) atuutsitsilernerup ilutigisaannik pisortat kontunut pilersaarutaannik ataatsimoorussamik ineriartortitsisoqarpoq atuutsitsinermillu ingerlatsisoqarluni (eqqornerusumik kontunut pilersaarutit arlallit imminnut tapertariissut).

Kontunut pilersaarutip nutaap siunertaraa Namminersorlutik Oqartussani aamma kommunini aningaasaqarnermik aqutsinerup pitsanngorsarnissaa, tassunga ilanngullugu paasiniaanissamut tunngavissaq pitsaanerusoq.

Kontunut pilersaarummik nutaamik atuinnermut atasumik ingerlatsivinni suli unammilligassaqarpoq - pingaartumik aningaasaqarnermut kontunut pilersaarummik atugaqarneq eqqarsaatigalugu (politikkikkut suliassaqarfiusunut atasikkaanuk nukissanik uuttortaaneq).

Assersuutigalugu Namminersorlutik Oqartussat erniat kontunut inississornissaannut siunertaq 17 tamatigit atorpeq ajorpaat, soorlu tamanna kontunut inississuinnermut ilitsersuummi allassimasoq.

Kontunut pilersaarut aamma kontunut eqqortunut inissitsiterinernik paasinninnissamik pitsanngorsaaneq anguniarlugu sulianik ingerlatsisoqartuarpoq. Innersuussutigineqarpoq suliaq taanna ingerlaannassasoq, tassunga atasumik suli pitsanngoriartortoqarnissaanuk periarfissaqarmat.

7.3 AKILERAARUTIT AKITSUUTILLU

Akileraarutinit akitsuutinillu isertitat Akileraartarnermut Aqutsisoqarfimmit ingerlanneqarput.

Aningaasaqarnermut systemip aamma eSkat akornanni nikinganersuisoqarsimanera misissuiffigaarput aammattaaq Akileraartarnermut Aqutsisoqarfiup ukiumi akileraarutinit piffissalersuisimaneranit nalunaarusiat Namminersorlutik Oqartussani naatsorsuuserinermi tunngavissat malillugit suliaasimanerat pissarsiarisimallugit.

Akitsuutinut tunngatillugu nakkutilliiffigaarput, akitsuutit akileqquneqartartut ukiumi naatsorsuuseriffiusumi eqqortumi isertitatut inississorneqartartut piffissani aalajangersimasuni assigiinngitsuni.

Ileqqorissaarnissaq naapertorlugu oqaatigissavarput, akileraarutit amerlassusissaasa aalajangerneqarnerat kukkusersuinnermi ilanngunneqanngimmat.

7.3.1. Pissutsit akileraarutinit akiliisitsiniartarnermut tunngasut

Namminersorlutik Oqartussat akileraarutinit assigiinngitsunuk tamanuk (inuit akileraarutaat, ingerlatseqatigiiffiit akileraarutaat il.il.) akiliisitsiniarnermik ingerlatsisuuvoq.

Kommunit pissaat ukiup ingerlanerani akiliutaagallartut atorlugit tunniunneqartarput aamma qaqugukkut akileraarutinit ingerlatsisoqarnera naatsorsuinnerit inaarneqarnerannuk apeqquataasarpog.

Pisassarisat ataanni ingerlatseqatigiiffinnuk iluanaarutisianullu akileraarutinit kommunit ataatsimoorussamik akileraarutaannuk ukiunuk 2016-2025-muk kommuninuk akiligassanuk tunngatillugu naatsorsuinnerit ilaatinneqarput. Naatsorsuinnerit pigineqartut paasinarsisippaat nunatta karsia ullormi oqimaaqatigiissitsiffiusumi kommuninuk akiligassaqaarsinnaasoq.

Naatsorsuinnernulli tunngavissuog pillugu nalorninartoqarnera paasineqarpoq, tassunga ilanngullugit piffissalersuinnerit akiliinnermullu tunngavissat naatsorsuinnerni atorpeqartut. Kommunit ataatsimoorussamik akileraarutaasa aamma akileraarutit attuumassuteqartut agguataarnissaasa agguataarinissamut ilusiliat pisariusut ukiunullu siusinnerusunuk nalimmassaaqqinnerit tunngavigalugit ingerlanneqartarnerat eqqarsaatigalugu tamanna isiginiarneqassaaq.

Taamaattumik Akileraartarnermut Aqutsisoqarfiup Qitiusumik Naatsorsuuserisoqarfik aamma Aningaasaqarnermut Naalakkersuisoqarfik suleqatigalugit naatsorsuinnerit sukumiinnerusumik misissorneqarnerat aallartippaat nunatta karsiata aamma kommunit akornanni akiligassat eqqortut erseqqissarneqarnissaat siunertaralugu.

Piffissami naatsorsuutitut saqqummiunneqarfigisaanni misissuineq pineqartoq suli naammassineqanngilaq, taamaattumillu pisussaaffiusinnaasup naatsorsornissaanuk naammattumik periarfissaqanngilaq. Tamatumalu malitsigisaanik naatsorsuutinuk allattukkamik naleqqussaasoqanngilaq.

Nalorninartoqarnerata qulaani allaaserineqartup malitsigisaanik taamatut inissisimasoqarnera kukkunersiuisutut oqaaseqaateqarfigaarput, akileraarutininik akiliisitsiniartarnerup Namminersorlutik Oqartussanit aqunneqartup Namminersorlutik Oqartussat naatsorsuutaanni naatsorsuuserinikkut eqqortumik suliarineqarnissaata qulakkeernissaa pingaaruteqartutut isigigatsigu.

7.4 PEQATIGIIFFINNUT SULIFFEQARFINNULLU TAPIISSUTIT

Peqatigiiffinnut suliffeqarfinnullu tapiissutit ima agguataarneqarsinnaapput:

- Kiffartuussinissamik isumaqatigiissutit
- Ingerlatsinermut tapiissutit
- Qinnuteqarnerup kingorna tapiissutit

Ukiuootumik naatsorsuutini peqatigiiffinnut suliffeqarfinnullu tapiissutit atuuffitsik tunngavigalugit agguataarneqarsimapput.

Innersuussutigissavarput naatsorsuutini inissitsikkat siunissami qulequttanut pingaarnernut pingasunut agguataarneqaqqullugit, tiguisusaaq pillugu ataani immikkut erseqqissaasikkanik (kiffartuussinissamut isumaqatigiissutit aamma ingerlatsinermut tapiissutit) imaluunniit tapiissutit (qinnuteqarnerup kingorna tapiissutit).

Taamaalilluni aningaasanik taakkuninnga atuineq annermik erseqqissarneqassaaq.

7.5 AKISSARSIAT AJUNNGITSORSIALLU

2025-mut ukiuootumik naatsorsuutit suliarineqarnerinut atatillugu akissarsiat tamarmiusut, akissarsialerinerlutik systemi malillugu tunniunneqarsimasut, aamma akissarsiat Silnal atorlugu Akileraartarnermut Aqutsisoqarfimmut nalunaarutigineqarsimasut - aammalu akissarsiat aningaasaqarnermut systemimi naatsorsuutininut allattorneqarsimasut taamaalillutillu ukiuootumik naatsorsuutininut ilaatinneqartut akornanni naligiissaarisooqarpoq.

Suleriaatsinik nakkutilliinernillu misissuinerup saniatigut tak. immikkoortoq 4 aamma akissarsiat naatsorsuutininut allattorneqartut misissueqqissaartumik pingaarnerusutigut iliuuseqarfivagut aalajangersimasumik akissaatinut aamma akunnermusianut immikkoortillugit. Misissueqqissaarneq ingerlanneqartoq oqaaseqaateqarnissamut pissutissaqartitsinngilaq.

7.6 NIOQQUTISSANIK KIFFARTUUSSINERNILLU PISINERIT

Ukiup naaneranut tunngatillugu nakkutilliiffigaarput, aningaasartuutit ukiumi tassunga tunngassuteqarfimminnut nalunaarsorneqarsimanerat. 2025-p aamma 2026-p akornanni piffissalersuinermit kukkunernik malunnaatilinnik paasisaqartoqanngilaq.

7.7 SANAARTORNERMIK SULIAT / SANAARTORNERMUT ANINGAASAATEQARFIK

Sanaartornermut Aningaasaateqarfimmut 2025-mut nassuiaat misissorparput. Tamatuma saniatigut tunuliaqutissatut uppersaasiortnermut sanaartornermut aningaasartuutininik akilerneqartuninik misiligitissanik tiguisarluta misissuivugut.

7.8 OQIMAAQATIGIISITSINEQ

7.8.1 Tamanut tunngatillugu

Inaarutaasumik kukkunersiuiunitsinni arlalinnik iliuuseqarpugut nalilerniarlugu, Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-imeersumi kingusinnerusukkullu allannguuteqartumi aammalu Kommunit aamma

Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersumi piumasqaataasut naapertorlugit eqqortumik suliarineqarsimanersut.

Misissuinerput oqimaaqatigiissitsinermi toqqakkanik pineqartunik ilaqarpoq, ilaatigullu makku pillugit misilittaavugut misissuillutalu:

- qulakkeerumallugu suleriaasissiortoqarsimanersoq, oqimaaqatigiissitsinerni pineqartut tamarmik oqimaaqatigiissinneqartarnissaat
- oqimaaqatigiissitsinernik suleriaatsit tulluurtumik aqutsisunit nakkutigineqarnersut
- pineqartut nassuiaasersorneqarsimassasut, uppersaasersorneqarsimallutik, uuttorneqarsimallutik maleruagassat atuuttut naapertorlugit
- piginneqataassutit eqqortumik naatsorsorneqarsimanersut nalingilu aalajangersarneqarsimanersut
- innuttaasunut suliffeqarfinnut piffissami sivilisuumi akilersugassanik taarsigassarsititsinerit eqqortumik naatsorsorneqarsimanersut nalingilu aalajangersarneqarsimanersut
- aningaasat tigoriaannaatit eqqortumik ilanngunneqarsimanersut eqqortumillu piffissalersugaanersut
- akiitsulinnit pissamaatit eqqortumik ilanngunneqarsimanersut eqqortumillu piffissalersugaanersut
- nammineq aningaasaatit agguataarsimanersut, nalunaarsorsimanersut eqqortuunerannillu uppersaasersorneqarsimanersut
- akiitsut pisussaaffiit eqqortumik ilanngunneqarsimanersut piffissamut eqqortumut.

7.8.2 Piginneqataassutit aamma suliffeqarfinnut atassuteqarfiganut taarsigassarsititsinerit piffissami sivilisuumi akilersugassat

Aningaasaqarnikkut sanaartukkanik pigisat naatsorsorneqarnerat misissorpagut aningaasaqarnikkut sanaartukkanik pigisat eqqortumik naatsorsorneqarsimanersut nalingilu aalajangersarneqarsimanersut immikkut siunertaralugu.

Piginneqataassutinik aamma suliffeqarfinnut atassuteqarfiganut taarsigassarsititsinerit piffissami sivilisuumi akilersugassat kukkunersiorneqarnerat oqaaseqaateqarnissamut pissutissaqartitsinngilaq.

7.8.3 Innuttaasunut suliffeqarfinnullu taarsigassarsititsinerit

Innuttaasunut suliffeqarfinnut taarsigassarsititsinerit 392 mio. kr.-inik amerlassuseqarput (2024-mi 443 mio. kr.-it) tassaallutik innuttaasunut illuliortiternernut aningaasalersuineq, tapersiissutitalimmik inissialiortiternermut taarsigassarsititsinerit, ESU-mit taarsigassarsititsinerit aamma ilinniagaqarnermi taarsigassarsititsinerit. Tassunga ilaapput aningaasat amerlajaat naatsorsuutitut pisassarsiasatut naatsorsorneqarsimanngitsut, ernialersugaanngitsumik akilersuuteqaranilu taarsigassarsiat pineqarmata. Inississukat ataasiakkaat naatsorsuutitut nassuiaammi 12-imi sukumiinerusumik erseqqissarneqarput, tassanilu aningaasat tamarmiusut aamma paasissutissiisutigineqarlutik.

Taarsigassarsititsisarnermut systemip maanna atorneqartup nutaamik taarserneqarnissaa aalajangiunneqarpoq, datanillu systemimut nutaamut nussuineq 2025-mi ingerlanneqarpoq. Tamatumunnga tunuliaqutaasoq ilaatigut tassaavoq taarsigassarsititsisarnermut systemi maanna atorneqartoq teknologimik pisoqqamik tunngaveqarmat aammalu taarsigassarsititsinermut aaqqissuussinerit aquunnissaannut periarfissanik arlalinnik amigaaateqarmat.

Taarsigassarsianilli allanngortitsinerit aamma piffissami kingumut eqqortumik nalunaarsuinissamut unammilligassaqarneranik paasisaqarfiuvoq, tamannalu 2024-mi kukkunersiuusut oqaaseqaataanni immikkoortoq 2.3.5-imi allaaserineqarpoq. Pissutsit paasineqartut suli atuupput.

INI-p taarsigassarsianik allamut nuussineq 2025-mi ingerlanneqarpoq. Tassungalu atatillugu taarsigassarsianik oqimaaqatigiissitsinermut naatsorsorneqartunik 8 mio. kr.-inik nalikilliliisoqarpoq taarsigassarsiat pisoqalisimanerat aamma/imaluunniit erniat pisoqalisimanerat pissutigalugu. Tamatuma saniatigut taarsigassarsianik oqimaaqatigiissitsinerup avataaniittunik nalikilliliisoqarpoq.

Qulaani allaaserineqartut saniatigut datanik misissuinermi BSU-mut suliassaqarfimmi makkuninnga unammilligassaqarneranik paasisaqarfiuvoq:

- Pingaartumik qularnaveeqqusiussaqaarluni taarsigassarsinermi allagartat annertuumik unammilligassartaqarput, tassunga ilanngullugu nalunaarsuiffinnut eqqortumik allatorneqarsimannngitsumik qularnaveeqqusiussaqaarluni taarsigassarsinermi allagartat taamaatinneqarsimasut imaluunniit tamarneqarsimasut. Taamaallilluni isumannaallisaanerit suut atuunnersut, aammalu Namminersorlutik Oqartussat piumasqaatinik atuuttuusunik peqarnersut aalajangersumik oqaatigissallugu ajornakusoorpoq.
- BSU-mik aqqissuussinermi ernianik naatsorsuisarnerit arlaleriarluni regnearkit atorlugit pisarpoq, tamatumalu kingunerisaanik naatsorsuinerit eqqortuunersut, aammalu erniat akiitsullu sinneruttut periaaseq atuuttoq malillugu naatsorsorneqarsimanersut nalornissutigineqalersinnaavoq.

Suliap tamatuma oqaloqatigiissutiginera tunngavigalugu tamanna pillugu kukkunersuisutut oqaaseqaateqarput immikkoortolu 1.3.2.2 innersuussutigineqarpoq.

7.8.4 Kaaviiartitsinermi pigisat

Kaaviiartitsinermi pigisat pingaarnersutigit tassaapput pisassarisat (pingaartumik akileraartarnermut suliassaqaarfimmi), suliffeqaarfinnit atassuteqaarfigisanit aamma kommuninit pisassarisat, piffissanut killiliussat aamma aningaasanik tigorianaannarnik uninngasuutit.

Aningaaserivimmut piffissap iluani suliap 31. decembari ikkunneqarsimanersut, aningaaseriviullu nalunaarsugaanut oqimaqaatigiissinneqarsimanersut misissorparput. Aningaaserivimmit sullissinerup takussutissartaanik pissarsiniarpugut.

Namminersorlutik Oqartussanut akiligassalittut nalunaarsorsimasut misissorpugut, tamungaannarlu tigusiffigisarlugit misiligutinik aallerfigisarlugit. Akiligassallit misissorneqarnerisa kingorna paasinninnerput naapertorlugu 2025-p naalernerani akiligassallit eqqortumik ilanngunneqarsimasutut isigineqarsinnaapput.

Akileraartarnermut suliassaqaarfimmi pisassarisanut tunngatillugu immikkoortoq 7.3.1 innersuussutigissavarput.

7.8.5 Nammineq aningaasaatit

Nammineq aningaasaatit tassaapput Namminersorlutik Oqartussat ileqqaagaqarnerat, tassalu pigisai akiitsuit ilanngaatilgalugit.

Nammineq aningaasaatigisat katinnerat ilanngunneqarsimanersooq aammalu 2025-p naalernerani oqimaqaatigiissitsinermit eqqortumik takutinneqarnerisooq misissornikuuarpugut.

7.8.6 Pisiortorfinnut akiitsunik naligiissaarineq

Akiitsunut pisussaaffigisanut sivikitsumik akilersugassanut naligiissaarinerit misissorpugut akiligassaqaarfinniillu akiligassiissutini misiligutissamik tigusilluta, eqqortumik piffissalersugaanersut, aningaasartuutissat Namminersorlutik Oqartussanut tunnganersooq kingornatigullu akilerneqarsimanersooq misissorniarpugut.

Avataani pisiniartarfiit akornanni akiligassat naligiissaarneqarnerat nakkutilliineruvoq pingaaruteqarluinnartoq, nioqutissanik kiffartuussinernillu pisiniarnermi eqqortumik piffissalersuinermit qulakkeerinnissutitut. Tamanna aamma pingaaruteqaqaq missingersuutit ingerlaavartumik malitseqartinneranni taamatullu ukiumoortumik naatsorsuutinik eqqortunik takutitsinissamat.

Ukiup ingerlanerani immikkoortumi suleriaaseq pitsanngorsaavigineqarpoq, ukiulli ingerlanerani kukkunersuiunita soorluttaaq ukiup naalernerani sulianik ingerlatsinerup ersersippaat, naligiissaarinernik kissaatigineqartunik sulii ingerlatsinerunissaq pisariaqartoq kiisalu naligiissaarinernik ingerlatsinerit inissitsikkat ammasut sulii amerlavallaartut, taamaattumik akiligassaqaarfigisat illugiillutik pissaaqatigiinnerat pillugit naligiissaarinermik ingerlatsinerunissaq pisariaqarpoq.

Siornatigumullu naleqqiullugu suliassaqaarfimmi pitsanngorsaasoqarsimavoq, taamaattumillu kukkunersuisutut oqaaseqaateqarnissaq pisariaqarunnaartutut nalilerlugu, inassutiginnassavarpulli

akiligassaqarfinnik naligiissaarisarneq akiligassanillu ammasoqarsinnaaneraniq erseqqissaanissaq siunissami qaffasinnerusumik pingaarnersiorneqartassasoq.

7.8.7 Avataanit aningaasaliissutit

Akiitsut ataanni aningaasartuummi ”piffissamut killiliussani” akiitsut suleqataasunit avataaneersunit aningaasanut tunngasut ilaapput (tapiissutit), taakkulu siunertanut aalajangersimasunut atorneqartussaapput, taamaattumillu ingerlatsinermut ilaatinneqaratik. Aningaasat 139 mio. kr.-iupput (2024-mi 162 mio. kr.-it).

Isertitat taakku siunertanut aalajangersimasunut atorneqartussaapput. Tassaasinnaapput Aatsitassanut suliassaqarfimmi oqartussatut suliarinninnermi isertitat aamma ilisimatusarnermut suliassaqarfimmi suliniutini avataanit aningaasalersugaasuni isertitat.

Isertitat aamma aningaasartuutit taakkua kontut inerneqareersut atorlugit ingerlanneqarput aamma taamaattumik immikkoortortat ingerlatsinermi kontuannut toqqaannartumik sunniuteqartaratik. Taamaattumik kontuni taakkunani nikinnerit Namminersorlutik Oqartussat naatsorsuutaanni ersinngillat.

Kukkunersiuinermut atatillugu ingerlatsinermi immikkoortortat ataasiakkaat nalunaarsukkanik piniarfigivagut saldot ammasut immikkoortiternissaannut. Suliassaqarfiit akimorlugit pitsaassuseq aqutsinerlu assigiinngisitaartupilussuupput, saldolu ammasup sumut tunnganerata nassuuartinnissaa piviusumik unammillernartuulluni. Avataani naligiissaarinerni pitsaassutsip qulakkeernissaanut suliagarnerup nukittorsarnissaa inassutigaarput.

7.8.8 Namminersorlutik Oqartussat pisortanilu aaqqissuussaanerit allat akornanni nuussinerit naligiissarneqarnerat

Kukkunersiuinermut atatillugu Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit aamma pissaqaqatigiissutit (pissaqaqatigiissutit, pissat aamma akiitsut) akornanni naligiissaarinermik ingerlatsisoqarniaraluarpoq.

immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissaarinermik ingerlatsiffigineqarsimasumik nassaassalluni ajornakusoorpoq. Assingusumik ajornakusoorpoq immikkoortumi pissaqartup immikkoortup illuani akiitsulimmut naligiissaarneqarnerannik nassaassalluni.

Assersuutigalugu, Nukissiorfinnit Namminersorlutik Oqartussanut sarfamut, imermut kiassarnermullu akiligassiissutaasa aamma Namminersorlutik Oqartussanut aningaasartuutaasumut inissitsikkani assingusumik naligiissaarinermik ingerlatsiffiusimasumik suliartoqarsimanngilaq. Tamanna aamma Tele Greenland A/S-ip Namminersorlutik Oqartussanut akiligassiissutaanut atuuppoq.

Soorlutaaq Namminersorlutik Oqartussat kommuninut tapiissutaannut aamma kommunit utertitsissutaannut aamma kommunit isertitaannut aningaasartuutaasunut atuuppoq.

Taakkununga unammillernartut taamaalillutik suli ersarinnerulersinneqarput pisortat ataatsimoortumik kontunut pilersaarutaanik atortuulersitsinermi.

Suliassaqarfimmi unammilligassaqarnera 2025-mi suli atuuppoq - pingaartumik Kommune Qeqertalimmut tunngatillugu.

Inassutigineqassaaq piffissaq ungasinnerusoq eqqarsaatigalugu nuussinerit tamakkua digitalisererneqarsinnaanerannik misissuisoqaqqullugu, uagut naliliinerput naapertorlugi taakkuninnga allaffissornermik pitsanngorsaaginnaratik ilaatigullu immikkoortuni attuumassuteqartuni naatsorsuuserinerup pitsaassusianut qaffariaataassaaq.

7.8.9 Oqimaaqatigiissitsinerup kukkunersiorneqarneranut eqikkaalluni inerniliineq

Killiffilersuinermi kontut oqimaaqatigiissarneqarsimanissaat isummerfigineqarsimasoq paasineqarpoq tassunga ilanngullugu kina oqimaaqatigiissaarissanersoq, aammalu kina oqimaaqatigiissarinertit ingerlanneqarnerinik nakkutilliinissamut akisussaasuunersoq.

Aammali paasivarpur kontunut arlalinnut tunngatillugu akisussaaffik avataaniimmat. Qitiusumik Naatsorsuuserisoqarfiup DCR-ip taamaalilluni naligiissarinerit suliarineqarnissaat naleqquttumillu pitsaassuseqarnissaat pisariaqartippaa, tamatigulli taamaattoqarneq ajorpoq.

Paasineqarpoq naligiissarinerit ataasiakkaat suliarineqartanngitsut naligiissarinnissamullu piffissaliussat isumaqatigiissutigineqartut naapertorlugit ingerlaavartumik naligiissarneqartanngitsut, taamaaliornikkut inississukkanik ingerlaavartumik torersaasoqarlunilu killiffimmi inissisimasussaannngitsunik kontunut inissitsiterisussanngorlugu.

Isumaqarpugut killiffilersuineri kontut ingerlaavartumik naligiissarneqartariaqartut eqqortumik tutsuignartumillu missingersuutinut malitseqartitsisoqartarnissaa qulakkeerniarlugu peqatigisaanillu naatsorsuutit naammassinerinut atatillugu ukiup naanerani inississukkat torersagassat naligiissarneqartussallu amerlassanngimmata.

Tamatuma qulakkeernissaanut suleriaasissamik uppersaasiukkamik aammalu tamatumunnga atatillugu uppersaasiukkamik aqutsisut nakkutilliinerannik ingerlatsisoqartarnissaanik atulersitsisoqartariaqarpoq.

7.9 AQUTSISUT NALUNAARUTAAT

Namminersorlutik Oqartussat nalunaarutaat nr. 6 2022-meersoq naapertorlugu aqutsisut nalunaarutaanni suliaqarfimmi ataasiakkaani siunnerfiit angusallu pingaarnertigut nassuiaataat ilaatinneqassaaq, ilanngullugu suliaqarfimmut pilersaarummi/pilersaarutini attuumassuteqartuni malinnaaneq, aammalu sapinngisamik siunertanut suliaqarfiit akimorlugit nassuiaammik imaqtartariaqarluni.

Aqutsisut nalunaarutaat misissorparput paasivarpullu pitsaassutsip qaffasissusia assigiinngisitaartupilussuusoq - nalunaarutillu qaqutikkut misissueqqissaarnivinnik ikorfartorneqartutut isikkoqarput.

Tunngaviatigut Aningaasanut inatsimmi oqaaseqaatit aamma aqutsisut nalunaarutaanni nassuiaatit akornanni innersuussinernik imaqarnerusariaqarput.

Suliaqarfimmi Aningaasanut inatsimmi ingerlatassatut anguniakkat taaneqarsimatillugit aqutsisut nalunaarutaat minnerpaamik ingerlatat naammassineqartut ingerlatassatut naatsorsuutigineqartunut naleqqiullugit malitseqartitsinermik imaqtartariaqarpoq, Aningaasanut inatsimmi oqaaseqaatini nassuianeqartutut.

Aqutsisut nalunaarutaat 2025 ingerlatsinermi suliaqarfimmut annertuunut tunngatillugu sulianut kisitsisinik arlalinnik imaqartoq paasivarpur (atuarfiit, ulloq unnuarlu paaqqinnittarfiit peqqinnissarlu).

7.10 NAATSORSUUTINUT NASSUIAATIT

Naatsorsuutinut nassuiaatit Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugu suliarineqarput. Taanna naapertorlugu aningaasanut inatsisini tamani nassuiaateqartassaaq, aningaasaliissutit aamma atuinerup akornanni 2 %-it sinnerlugit, minnerpaamillu 1 mio. kr.-inik assigiinngissuteqarpat.

Naatsorsuutinut nassuiaatit ukiuni kingullerni pitsaanerulersinneqarsimasut maluginiarparput, nassuiaanerilli itisiliiffigineqarnerisa suli assigiinngisitaangaatsiarnerat aamma paasivarpur. Kontumut 24XXX-imut nassuiaatini nassuiaanerit itisiliiffinerat naammappoq misissueqqissaarnemillu ikorfartugaasutut isikkoqarlutik.

Naatsorsuutinut nassuiaatit suliaqarfiit tamangajaasa eqqarsaatigalugit naatsuraapput nikingassutaasunullu pissutaasut pillugit annerusumik paasisutissiiffiunatik. Tamanna naatsorsuutinik atuatumut unammillernarpoq, peqatigisaanilli aqqissuussaanerup suliaqarfimmi aningaasaqarnikkut qanoq ataqatigiittoqarneranik paasisimasaqannginneranut takussutissaappat, aamma aqutsinikkut unammillernartoqartitsivoq.

7.11 AKIITSOQARFIIT ILISIMANNGISAT

Naatsorsuutini nalorninartut oqimaaqatigiissitsinermi ilaatinneqarnek ajorput, makkuusinnaallutilli qularnaveeqqusiinerit, attartornermi isumaqatigiissuteqarnikkullu pisussaaffiit.

Namminersorlutik Oqartussat pisussaaffii naatsorsuutitut nassuiaatitut naqinneqarnikuusut misissornikuuagut tassunngalu atatillugu aqutsisunit atsiorneqarsimasumik aqutsinermut uppersaammik tigusaqarnikuulluta, ilaatigut paasissutissat eqqortuunerinut tamakkiisuunerinullu uppersaatitut.

8 KUKKUNERSIUISUTUT NALUNAARUTIT AAMMA NAATSORSUKKAT UPPERNARSAASIKKAT IL.IL.

8.1 KUKKUNERSIUISUTUT NALUNAARUTIT

Matumani ukiumoortumik naatsorsuutit kukkunersiorneqarnerat pillugu nalunaarutip saniatigut ukiup ingerlanerani nalunaarunik allanik tunniussisoqanngilaq.

8.2 NAATSORSUINERIT UPPERNARSAASIKKAT SULIASSALLU ALLAT

Naatsorsuinerit nalunaarutillu il.il. tamarmik kukkunersiuusup nalunaarutaanik ilaqartinneqarput.

Naatsorsuutit immikkut ittut naatsorsuinerillu makku kukkunersiorlugillu uppersaaserpagut:

- Inuussutissarsiornermik ilinniarfiit ingerlatsinermut naatsorsuutaat 2024
- Aatsitassanut naatsorsuutit 2024
- Ilisimatusarfimmut ingerlatsinermut naatsorsuutit 2025
- Kangiata Illorsuanut suliniummut naatsorsuutit, Ilulissat
- EU-p suliniummut naatsorsuutai suliniut INNOGS

8.2.1 Suliassat allat

Namminersorlutik Oqartussanut misissuinerik, ikiunermik suliassanik aamma siunnersuinerik suliassanik suliaqarput:

- Namminersorlutik Oqartussat pasinapiluttunik kalerriisoqarsinnaatitsineranut tigooraasussatut isumaginninneq
- Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup timersornermut suliassaqarfimmi tapiissutinik ingerlatsinera pillugu ingerlatsinermik annertusisamik kukkunersiuineq.
- Kommune Kujallermi meeqqanut inuusuttunullu aamma inunnut annertuumik innarluutilinnut suliassaqarfimmi erseqqissaaneq (angerlartitsinissamut tunngavissat)
- Akileraartarnermut suliassaqarfimmi datanik paarlaasseqatigiittarneq ukkataralugu IT-kkut isumannaallisaanermik naliliineq

8.2.2 Namminersorlutik Oqartussat suliffeqarfiutaani kukkunersiuineq

Suliffeqarfiit nammineertitat:

- Nukissiorfiit ukiumoortumik naatsorsuutaat
- Asiap ukiumoortumik naatsorsuutai

Suliffeqarfiit nammineertitat Namminersorlutik Oqartussat ukiumoortumik naatsorsuutaannut ilaatinneqanngillat, ukiumoortumik naatsorsuutini immikkut saqqummiussisarput. Suliffeqarfiit nammineertitat ukiumoortumik naatsorsuutaannut kukkunersiuusup uppersaasiinerannik nangaassuteqarfiunngitsunik ilassutitullu paasissutissanik tunniussisoqarpoq. Suliffeqarfiit 2024-mut

ukiumoortumik naatsorsuutaannut tunngatillugu kukkunersiuinermit uppersaasatit aamma innersuussutigineqarput.

Ingerlatseqatigiiffiit tamakkiisumik pigineqartut BDO-p kukkunersiuissuuffigisai

- INI A/S-ip ukiumoortumik naatsorsuutai
- Illuut A/S-ip ukiumoortumik naatsorsuutai
- Great Greenland A/S-ip ukiumoortumik naatsorsuutai

8.2.3 Ingerlatseqatigiiffinni tamakkiisumik pigineqartuni allani kukkunersiuineq

Namminersorlutik Oqartussat ingerlataata ilarpassui inatsisitigut immikkuullarissutut naatsorsuussani inissisimapput - pingaartumik aktiaateqarluni ingerlatseqatigiiffinni. Aktiaateqarluni ingerlatseqatigiiffiit ingerlatseqatigiiffiit pillugit inatsimmi maleruagassiorneqarput Namminersorlutillu Oqartussat ingerlatseqatigiiffinnik taakkuninnga aqutsinissamut periarfissai siulersuisut toqqarneqartut aqutugalugit pisarput.

Namminersorlutik Oqartussat ”Namminersorlutik Oqartussat ingerlatseqatigiiffiini Ingerlatsilluarnissamut Najoqqutassat”-nik aalajangersaasimapput, taamatuttaarlu Namminersorlutik Oqartussa aktianik pigineqatigiiffii pillugit Inatsisartunut ukiumoortumik nassuiaasiortoqartarluni. Ingerlatseqatigiiffiit 2024-mut naatsorsuutaat tunngavigalugit nassuiaat kingulleq 2025-meersoq piniarparput misissorlugulu.

Namminersorlutik Oqartussat ingerlatseqatigiiffinnut malittarisassanut ilaatinneqanngilaq taamaattumillu ingerlatseqatigiiffittut aqutsisutut inissisimatineqarani. Taamaattumik aamma suliffeqarfissuarmut naatsorsuusiortoqarneq ajorpoq. Ingerlatseqatigiiffiit ukiumoortumik naatsorsuutaat kukkunersiuinermit suliffeqarfinit assigiinngitsunit immikkut kukkunersiorneqartussaapput. Ukiumoortumik naatsorsuutit pigineqartut kingulliit piniarpagut ukiumoortumillu naatsorsuutit erseqqissaateqarfiunngitsumik imaluunniit aqutsisut nalunaarutaannut isornartunik oqaaseqaateqarfiunngitsumik kukkunersiuissunit uppersaasernerqarsimanersut misissorlugulu.

9 AQUTSISUT NAATSORSUUTIT PILLUGIT UPPERNARSAANERAT

Ukiumoortumik naatsorsuutit kukkunersiorneqarnerinut atatillugu Aningaasaqarnermut Naalakkersuisup aamma naalakkersuisoqarfimmi pisortap uagutsinnut naatsorsuutinik uppersaasernerminni 2025-mi ukiumut naatsorsuutit pillugit pisut pingaarutilimmik sunniuteqarsinnaasut uppersaasarpaat, tamatumani tassunga pisariaqartillugit naliliiffiginikuusatsinnut.

Allaganngorlugulu uppersaasat paasissutissanik imaqarpoq sallunaveeqqusiussanik qularnaveeqqusiussanillu, tunuliaqutsiinernik, eqqartuussivilersuussutinik, oqimaaqatigiissitsinerup kingornatigut pisimasunik, pissutsit iluarsivigineqarsimanngitsut allattorsimaffiannik, suliaasaqarfinnilu allani kukkunersiuinermit uppersaasasoruminaatsunik piusunik.

Naatsorsuutit pillugit uppersaasat tiguneqartoq oqaaseqaateqarnissamut pissutissaqartitsinngilaq.

10 KUKKUNERSIUISUT UPPERNARSAANERA

Uppernarsarparput,

- inatsisini piumasaqaatigineqartutut kiffaanngissuseqartuunerput
- kukkунersiуinerup ingerlanerani paasissutissat qinnutigisagut tamaasa pissarsiarigatsigit.

Nuuk, ulloq 30.04 2026

BDO Statsautoriseret revisionspartnerselskab
CVR-nr. 45 71 93 75



Bo Colbe
Naalagaaffimmit akuerisaasumik
Kukkунersiуisоq
MNE nr. 24634



Henrik Brorsbøl Jakobsen
Naalagaaffimmit akuerisaasumik
kukkунersiуisоq
MNE nr. 33233

ILANNGUSSAQ 1, KUKKUNERSIUISUT UPPERNARSAATAAT - KUKKUNERSIINEQ PILLUGU INERNILIINEQ

KUKKUNERSIUISUP ARLAANNAANULLUUNNIIT ATTUUMANGITSUP UPPERNARSAASIINERA

INATSIARTUNUT

UKIUMOORTUMIK NAATSORSUUTINUT KUKKUNERSIUISUP UPPERNARSAASIINERA

Inerniliineq

Nunatta karsianut ukiumut naatsorsuuseriffiusumut 1. januaari - 31. decembari 2025-mut ukiumoortumik naatsorsuutit kukkunersiorpagut, tassunga ilaallutik inernerit naatsorsornerat, oqimaaqatigiissitsineq, akiliisinnaassutsip naatsorsornera aamma nassuiaatit, tassunga ilanngullugu naatsorsueriaaseq quppernemi 92-107-ini allaaserineqartoq.

Ukiumoortumik naatsorsuutit Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersaq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersaq naapertorlugit suliarineqarput.

Uagut isumaqarpugut ukiumoortumik naatsorsuutit sitigut tamatigut eqqortumik takutitsisut, Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersaq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersaq naapertorlugit suliarineqarsimasut.

Inerniliinermut tunngaviusoq

Kukkunersiuinerput ingerlapparput kukkunersiuisarnermi najoqqutassat nunat tamat akornanni atuuttut malillugit, taamatullu Kalaallit Nunaanni kukkunersiuisarnermut inatsisiliornermi piumasaqaataasut kiisalu pisortat suliffeqarfiutaasa naatsorsuutaannik kukkunersiuinermi malittarisassat tamanut atuuttut malillugit, kukkunersiineq Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersaq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersaq naapertorlugit ingerlanneqarmat. Tunngaviit takkua malissallugit uagut akisussaaffigaarput aamma immikkoortumi kukkunersiuisut uppernarsaataanni "Kukkunersiuisut naatsorsuutit kukkunersiuinissaminut akisussaaffii"-ni piumasaqaatit itinerusumik allaaserineqarput.

Nunat tamalaat kukkunersiuisunut ileqqorissaarnissamat malittarisassiat (IESBA-p ileqqorissaarnissamat malittarisassai) naapertorlugit uagut Namminersorlutik Oqartussanit aamma immikkut piumasaqaatinut Kalallit Nunaanni atuuttunut, kiffaanngissuseqarpugut, soorlu malittarisassat piumasaqaatillu tamakku naapertorlugit ileqqorissaarnissamat pisussaaffivut allat naammassillugit. Isumaqarpugut kukkunersiuinermi angusat uppernassusiat naammaginartooq aamma uagut inerniliussatsinnut tunngavissatut naleqquttuusut.

Kukkunersiuinermut tunngatillugu pissutsinik erseqqissaaneq

Naalackersuisut aningaasaliissutinut naatsorsuutit allattorsimaffiinut missingersuutit pillugit paasissutissanik ilanngussaqaarput aningaasanut inatsimmi kontut aamma siunertat malillugu immikkoortiterlugit. Kisitsisit naleqqiunneqarsinnaasut kukkunersiorneqanngillat.

Naalackersuisut ukiumoortumik naatsorsuutinut akisussaaffiat

Naalackersuisut akisussaaffigaat ukiumoortumik naatsorsuutit sitigut tamatigut eqqortut sulissallugit, tassalu Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersaq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersaq naapertorlugit suliarissallugit. Taamatuttaq Naalackersuisut akisussaaffigaat suliffeqarfimmi namminerme misissuisarnerit, ukiumoortumik naatsorsuuisornermi eqqortumik takussutissiisunik pingaarutilinnillu kukkusumik paasissutissiinngitsumik

suliaqarnissamut atatillugu Naalakkersuisunit isigineqartut, tamanna peqqusersiornermik imaluunniit kukkuneramik tunngaveqaraluarpalluunniit.

Naatsorsuutit suliarineqarnerannut atatillugu Naalakkersuisut akisussaassuseqarfigaat Namminersorlutik Oqartussat ingerlatsinerminnik ingerlatitsiinnarnissaminut piginnaaneqarnera nalilissallugu, ilisimatitsissutigissallugit pissutsit ingerlatsinermik ingerlatitseqqinnissamut tunngasut, tamanna naleqquppat, aammattaaq ukiumoortumik naatsorsuutit suliarissallugit ingerlatseqqiinnarnissaq tunngavigalugu naatsorsuusiordermut periutsit tunngavigalugit, imaanngippat Inatsisartut siunertaralugu Namminersorlutik Oqartussat uniinnarnissaat, ingerlatsineq unissanersoq imaluunniit allamik piviusorsiorlutik periarfissaqannginnersoq taamaaliornissarlu kiserngorulluni.

Kukkunersuiusup ukiumoortumik naatsorsuutitut akisussaaffia

Uagut anguniagarput tassaavoq annertunerpaamik qularnaarniarlugu ukiumoortumik naatsorsuutit tamakkiisumik isigalugit pingaarutilinnik kukkusumik ilisimatitsinnginnerat, tamanna peqqusersiornermik imaluunniit kukkuneramik tunngaveqaraluarpalluunniit, aamma kukkunersuiusut oqaaseqaataannik inerniliinertalimmik tunniussinissarput. Annertunerpaamik qularnaarinninneq tassaavoq qularnaarinninneq qaffassissoq, kisianni kukkunersuiusut tamanna nunani tamalaani maleruaqqusat nalinginnaasut malillugit aamma piumasaqaatit suliat Kalaallit Nunaanni atuuttut tunngavigalugit suliarineqartoq, aammattaaq pisortat suliffeqarfiutaannik kukkunersuiusut piumasaqaatit nalinginnaasut tunngavigalugit annertuumik kukkusumik ilisimatitsinermik, taamaattoqarsimappat, tamatigut qulaajaasinnaaneranik qularnaarinerunngilaq. Kukkusumik ilisimatitsineq peqqusersiornermik imaluunniit kukkuneramik tunngaveqartumik pilersinnaavoq aamma pingaaruteqartut isigineqarsinnaavoq tupigissaanngitsumik naatsorsuutigineqarsinnaappat, taakku ataasiakkaarlutik imaluunniit ataatsimoortut aningaasaqarnermut tunngatillugu aalajangiinertut sunniuteqarpata, naatsorsuutitut ukiumoortumik naatsorsuutit tunngavigalugit aalajangiinertut.

Kukkunersuiusut atatillugu, nunani tamalaani maleruaqqusat nalinginnaasut malillugit aamma piumasaqaatit allat Kalaallit Nunaanni atuuttut naapertorlugit ingerlanneqartumut, Kommunit Namminersorlutik Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit suliatigut nalilersuineq ingerlattarparput aamma kukkunersuiusut ingerlanneqarnerani ilinniakkavut tunngavigalugit qularnartoqartitsineq atortarparput. Tamakku saniatigut:

- Ukiumoortumik naatsorsuutitut paasiniartarparput aamma nalilersortarlutigu pingaaruteqartumik kukkusumik ilisimatitsisoqarsinnaaneranut nalorninartuusinnaasut, peqqusersiornermik imaluunniit kukkuneramik tunngaveqaraluarpalluunniit, tamakkunani kukkunersuiusut ingerlatsinerit ilusilersortarparput aamma ingerlattarlutigik tamakkunani nalorninartuusinnaasut qisuariarfigalugit aammattaaq kukkunersuiusut uppersaaneq angusarparput, naammaginartumik aamma atorqarsinnaasumik inerniliinissatsinnut tunngavigineqarsinnaasutut. Pingaarutilinnik kukkusumik ilisimatitsinerit peqqusersiornermik pissuteqartut paasinnginnissaannut nalorninartut pingaarutilinnik kukkusumik ilisimatitsinerit kukkuneramik pissuteqartunut naleqqiullugit annertunerupput, tassa peqquserlunnialuni peqatigiinniapilunnerit, peqquserlulluni uppersaasarsuusiorderit, piaaraluneerluni ilanngussinnginnerit, salloqittaanerit imaluunniit Namminersorlutik Oqartussani namminerit nakkutilliinerit sumiginnaanertit peqquserluttuliorderit ilaasinnaammata.
- Namminersorlutik Oqartussani namminerit nakkutilliinerit kukkunersuiusut paasinneq angusarparput, tassa kukkunersuiusut naleqquttumik pissuseqartuusumik ingerlatsinerit ilusilersuinnatsinnut attuumassuteqartoq, kisianni Namminersorlutik Oqartussat namminerit nakkutilliinerata pitsaassusia pillugu inerniliinerit saqqummiussinissaq anguniarnatigu.
- Naatsorsuusiorderiaaseq aqutsisunit atorqartoq naleqquttuunersoq, taamatuttaaq naatsorsuutitut tunngatillugu paasissutissanik attuumassuteqartunik nalilersuineq aqutsisunit suliarineqarsimasoq naammaginartuunersoq isummerfigisarparput.
- Naalakkersuisut ukiumoortumik naatsorsuutitut suliat ingerlaqqinnissaq tunngavigalugu naatsorsuusiordermut periuseq tunngavioq atorlugu suliaqarsimanerat naleqquttuunersoq inernilersuimagsu, kukkunersuiusut uppersaaneq angusaq tunngavigalugu malunnaateqarlutut qularnartoqarnerisooq aamma pisunut imaluunniit pissutsinut attuumassuteqartunik, suliffeqarfiup ingerlatsinerit nangitsinissamut piginnaaneqarnerannik

annertuumik qularnarmik pilersitsisinnaanersut paasiniarsimasarpavut. Uagut inerniliigutta malunnaateqarluartumik qularnartoqartarpoq, taava uagut kukkunersiuinermi oqaaseqaatitsinni tamanna pillugu paasissutissat naatsorsuutini eqqumaffigeqqussavagut, imaluunniit paasissutissat amigarpata inerniliinerput naleqqussassavarput. Uagut inerniliinitsinnut tunngaviuvoq kukkunersiuinermi uppersaataat, kukkunersiuinitsinnut atsiornitsinni qaammatisiutit ulluat taanna tikillugu angusarput. Taamaattorli siunissami pisut imaluunniit pissutsit Namminersorlutik Oqartussat ingerlatsinerminnik ingerlatsisinnaajunnaarnera kingunerisinnaavaat.

Naalakkersuisut attaveqaqatigisarpagut ilaatigut kukkunersiuinerup annertussusissaatut pilersaarut aamma kukkunersiuinerup piffissami qaqugu ingerlanneqarnissaanut tunngatillugu, aammattaq kukkunersiuinermi malugisavut malunnaateqarluartut pillugit, tamatumunnga ilanngullugit suliffeqarfimmi namminermi nakkutilliinermut amigaataajunnartut malunnaateqarluartut kukkunersiuinitsinni paasisavut pillugit.

Ukiumoortumik naatsorsuutit aamma kukkunersiuusup taakku pillugit nalunaarutaata saniatigut Paasissutissat Allat

Naalakkersuisut Paasissutissanut Allanut akisussaasuupput. Paasissutissat Allat tassaapput naatsorsuutini saqqummiussani "Nunatta karsiata naatsorsuutai 2024"-mi paasissutissat allat ilanngussallu uagut kukkunersiuinitsinnut tamannalu pillugu uppersaataatsinnut ilaanngitsut, inerniliineq pillugu immikkoortoq qulaaniittoq naapertorlugu.

Ukiumoortumik naatsorsuutit pillugit uagut inerniliinerput Paasissutissanik Allanut matussusiingilaq, aamma taakku pillugit qularnaatsumik inerniliussamik oqaaseqaateqanngilagut.

Ukiumoortumik naatsorsuutini kukkunersiuinitsinnut atatillugu Paasissutissat allat atuarnissaat uagut akisussaaffigaarput, tassungalu atatillugu nalilersorlugu Paasissutissat allat ukiumut naatsorsuutini malunnaatilimmik naapertuutinnginnersut imaluunniit uagut kukkunersiuinitsinni ilisimalikkagut imaluunniit allatigut malunnaatilimmik kukkusumik paasissutissanik imaqaarnersut nalilersussallugit. Suliamik suliarineqartumik tunngaveqartumik Paasissutissani allani annertuumik kukkusumik paasissuteqartoq paasigutsigu, pisoq taanna pillugu nalunaarusiussaagut.

Tamatuma saniatigut uagut akisussaaffigaarput Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit aqutsisut nalunaarutaat paasissutissanik piumasarineqartunik imaqaarnersoq isumaliutigissallugu.

Suliaq ingerlanneqartoq tunngavigalugu isumaqarpugut aqutsisut nalunaarutaat ukiumoortumik naatsorsuutini naapertuuttoq aammalu Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-meersumut kingusinnerusukkullu allannguuteqartumut aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersumut naapertuuttoq.

Tassunga atatillugu nalunaarutissaqanngilagut.

INATSISINUT ALLANUT MALERUAGASSANULLU ALLANUT TUNNGATILLUGU NALUNAARUT

Inatsisit isornartitat kukkunersiorneqarneri aamma ingerlatsinerup kukkunersiorneqarnerat pillugit oqaaseqaatit

Aningaasat atorneqartut, naatsorsuutit saqqummiunneqarnerannut ilaatinneqartut aningaasaliissutissatut nalunaarutigineqareersunut, inatsisinut aalajangersakkanullu allanut naapertuunnissaat kiisalu isumaqatigiissutit nalinginnaasumillu periutsit atorneqarnissaat Naalakkersuisut akisussaaffigaat. Ukiumoortumik naatsorsuutini ilaatinneqartuusuni, sammisaqartitanut aningaasaliissutini ingerlatsinernullu, aqutsinermi aningaasaqarnerup eqqarsaatigineqarsimanissaa Naalakkersuisut aamma akisussaaffigaat. Aqqissuussat periutsillu taakkununga attuumassutillit pilersinneqarnissaat Naalakkersuisut akisussaaffigaat, taamaalluni sipaarniutit, naammassisaqarsinnaassuseq eqaallisaanerillu taakkununga iluaqutaassammata.

Ukiumoortumik naatsorsuutini kukkunersiuinitsinni inatsisit tunngavigalugit isornartorsiulluta kukkunersiuinissarput uagut akisussaaffigaarput aamma pisortat kukkunersiuisarneranni tunngavigineqartartut naapertorlugit qulequttat toqqartukkat aqunneqarnerini kukkunersiuinissaq akisussaaffigalutigu.

Tamatuma malitsigisaanik naatsorsuutitigut iliuuserineqartuni naatsorsuutini saqqummiussinermut ilaasuni annertuumik malittarisassanik unioqqutitsisoqarsinnaanera qanoq ilimanartiginersoq naliliiffigisussaavarput, imaluunniit periaatsini suleriaatsinilu aqutsisut pilersissimasaani ingerlatsinermi amigaatinik annertuumik ajutoorfiusinnaasunik naliliisussaalluta. Peratarsinnaasunik nalilersuinerit tunngavigalugit qulequttat aalajangersimasumik killilikkat aalajangersartarpavut, taakkua inatsisit-isornartorsiuneq aallaavigalugit imaluunniit ingerlatsineq aallaavigalugu kukkunersiertarpavut.

Inatsisit-isornartorsiuneq aallaavigalugit kukkunersiuinitsinni qulequttani toqqakkani immikkut akuersissutit aningaasaliissutinut, inatsisinut allatullu malittarisassanut kiisalu isumaqatigiissutaasimasunut nalinginnaasumillu suleriutsimut naapertuunnersut qulakkeerniarlugit misilerartarpavut. Aqutsinerup kukkunersiorneqarnerani isumannaatsuuneq nalilersortarpavut; systemit, periutsit imaluunniit aningaasaliissutit misissorneqartut ukiumoortumik naatsorsuutit iluanni aningaasanik aqutsinermi aamma suliat ingerlanneqarnerani eqqarsaatigineqarsimanersut misissuisarpugut nalilersuisinnaajumalluta.

Kukkunersiuisut uppersaataannik tulluurtumik qulequttami pineqartumi isumannaatsuuneq pitsaasoq inerniliunniarlugu tunngavigisarparput. Kukkunersiuinermi malittarisassanik unioqqutitsinerit ingerlatsinermiluunniit amigaataasut tamakkerlugit nassaarinqarsinnaaneri qulakkeerlugu anguneqarsinnaaneq ajorpoq. Kisimiilluta inatsisit-isornartorsiuneq aallaavigalugu kukkunersiuisaratta aamma qulequttanik toqqartukkanik ingerlatsinermik kukkunersiuisaratta, malunnaatilimmik malittarisassanik unioqqutitsisoqarsinnaanera imaluunniit ingerlatsinermik malunnaatilimmik suliaqarfinni, qulequttat toqqarneqartut avataanni, amigaateqartoqarsinnaanera qulakkiivillugu oqaaseqarsinnaangilagut.

Suliat inernerini malunnaatilimmik isornartoqartitsigutta oqaaseqaatini ukunani tamanna nalunaarutigissavarput.

Tassunga atatillugu oqaaseqaatinik isornartunik pingaarutilinnik nalunaarutissaqanngilagut.

**ILANNGUSSAQ 2, PILERSAARUTIT MALITSEQARTITSINISSARLU - INGERLATSINERMIK
KUKKUNERSIUINEQ AAMMA INATSISIT ATUUTSINNEQARNERINIK KUKKUNERSIUINEQ**

Ukioq naatsorsuusiorfiusoq	Pilersaarutitut sammisat sammisallu misissorneqartut		Malitseqartitsinissamat oqaaseqaatit pingaarutillit
	<i>Ingerlatsinermik kukkunersiuineq, tak. SOR 7</i>	<i>Inatsisit atuutsinneqarneri pillugit kukkunersiuineq, tak. SOR 6</i>	
2025	Aningaasaqarnermik aqutsineq pingaarnerusoq		
2025	Sammisanik pisuussutinillu nalilinnik aqutsineq		
2025		Akissarsianut atorfeqarnermullu tunngasut	Immikkoortoq 5.3 takuuk.
2025	Tapiissutitut aaqqissuussinerik aqutsineq		Tamanna pillugu immikkut nalunaarusiortoqarpoq ataasiakkaanik inassuteqaatitalimmik

	2025	2026	2027	2028	2029
Inatsisit atuutsinneqarneri pillugit kukkunersiuineq					
Pisinerit		X		X	
Akissarsiat atorfeqarnermullu tunngasut	X		X		X
Tunisinerit		X			
Oqartussat akiliutinik akiligassiinerat					X
Tapiissutitik allanillu tunineqarnissamik aalajangiinerit.			X		
Pisinnaatitaaffinnik aalajangersagaasumik nuussinerit				X	
Ingerlatsinermik kukkunersiuineq:					
Sammisanik pisuussutinillu nalilinnik aqutsineq	X			X	
Anguniakkanik angusanillu aqutsineq					X
Pisortat pisiortortarnerinik aqutsineq		X			
Ukiunut arlalinnut aningaasaliinissamik suliniutini missingersuutinik aqutsineq			X		
Pisortat tapiissuteqartarnermik aaqqissuussinerinik aqutsineq		X			

ILANNGUSSAQ 3 Ivertinneqarnermi nalunaarut

Aallaqqaasiut

BDO Statsautoriseret Revisionspartnerselskab Namminersorlutik Oqartussat (kingornatigut taaneqartut "Namminersorlutik Oqartussat") kukkunersuiusussatut Inatsisartut 6. novembari 2025-mi ataatsimiinneranni toqqarneqarpoq.

Matumani ivertinneqarnermi nalunaarutikkut suliassamut akuersinerput paasinninnerpullu uppersarparput, tassunga ilanngullugu kukkunersiuiernermit atatillugu akisussaaffinnik suliassanillu BDO-p aamma Namminersorlutik Oqartussat akornanni agguataarinerup aalajangersarneqarneranik.

BDO Namminersorlutik Oqartussanut kukkunersuiusutut toqqarneqartut qinnuigineqarpoq Suliffeqarfimmut ukiumoortumik naatsorsuutit kukkunersioqqullugit. Ukiumoortumik naatsorsuutinit nalunaaruteqarnissamik suliassap saniatigut BDO aamma qinnuigineqarpoq naatsorsuutinit naatsorsukkanullu allanut nalunaarutininik saqqummiusseqqullugu.

Kukkunersiuiernermit malitassiat naapertorlugit BDO naatsorsuusiortarnermi taaguusersuinermit sinaakkusiussat naleqquttut aamma illup iluani nakkutilliineq naapertorlugit naatsorsuutininik il.il. suliqaartarnermit akisussaaffini akueralugu paasillugulu aqutsisoqatigiinnit akuerineqassaaq aammalu Namminersorlutik Oqartussani paasissutissanik inunnillu attuumassuteqartunik BDO pissarsisinnaatillugu.

Ukiumoortumik naatsorsuutit kukkunersiorneqarnerat

Aallaqqaasiut

BDO kukkunersuiusussatut Namminersorlutik Oqartussanit toqqarneqarluni qinnuigineqarpoq Namminersorlutik Oqartussat ukiumoortumik naatsorsuutaanik kukkunersioqqullugu. Ukiumoortumik naatsorsuutit Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. novembari 2016-imeersoq kingusinnerusukkullu allannguuteqartoq aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januaari 2022-meersoq naapertorlugit saqqummiunneqarput.

Nalunaarusiami aalajangersarneqarpoq Kalaallit Nunaanni ukiumoortumik naatsorsuusiortarneq pillugu inatsit pillugu peqqussummi qaqugukkulluunniit atuuttumi inuiaqatigiit isiginiarlugit, inatsisillu immikkut ittut malillugit malittarisassiorneqarluni suliffeqarfik Namminersorlutik oqartussat pigisaattut ingerlanneqartuunerata kingunerisaanik nikingassutit atorlugit ukiumoortumik nalunaarusiortoqassasoq.

Siunertaq annertussusaalu

BDO kukkunersiuiernermit ingerlatsissaaq ukiumoortumik naatsorsuutit pillugit inerniliinertaqartillugu qaffassisumik qularnaassusilimmik nalunaaruteqarnissaq siunertaralugu.

BDO kukkunersiuiernermit ingerlatsissaaq nunani tamalaani kukkunersiuiineq pillugu malitassiat aamma piumasaqaatit allat Kalaallit Nunaanni atuuttut, aammalu pisortat suliffeqarfiutaanni ingerlatsinermit malitassiat naapertorlugit, kukkunersiuiineq Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni nr. 26, 28. novembari 2016-imeersumi kingusinnerusukkullu allannguuteqartumi aammalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaanni nr. 6, 20. januaari 2022-meersumi piumasaqaatit tunngavilugit ingerlanneqarmat.

Tamatumungalu BDO-p suliffeqarfimmut attuumanginnissaa pisariaqarpoq International Ethics Standards Board for Accountants'-imi nunani tamalaani kukkunersuiusut ileqqorissaartumik pissusilersornissaannut najoqqutassat (IESBA Code) naapertorlugit, aammalu BDO-p piumasaqaatit aamma IESBA Code naapertorlugit ileqqorissaarnissamut pisussaaffigisaminik naammassinninnissaa.

Ukiumoortumik naatsorsuutit eqqortuunerat nakkutigissavarput, aammalu naatsorsuutininik saqqummiussinermit ingerlanneqartut aningaasaliissutinit nalunaarutigineqartunut, Inatsisartut Naalakkersuisullu aalajangiussaannut allanut, inatsisinut najoqqutassanullu allanut aammalu isumaqatigiisutaasunut nalinginnaasumillu suleriaaseqarnermit naapertuunnersut misissussavarput.

Aammattaaq Inatsisartut aamma Naalakkersuisut aalajangiinerinik piviusunngortitsineq suliffeqarfiullu susassaqrifiinik allanik ingerlatsineq aningaasaqarnikkut naleqquttumik isumagineqarsimanersoq naliliiffigineqassaaq.

Kukkunersiuisup pisussaaffigaa suliffeqarfiup naatsorsuuserineranik tassungalu atatillugu nakkutilliinissamut iliuitsit pilersinneqarsimasut akulikitsumik isorniaratumik misissuisassalluni taakku toqqissimanartuunersut misissornissaat siunertaralugu.

Ukiumoortumik naatsorsuutit paasissutissanik kukkusunik annertuunik imaqqannginnissaat qaffasissumik qalarnaassuseqarnissaat siunertaralugu BDO iliuusissanik pilersaarusiortluni ingerlatsissaaq.

Kukkunersiuisup akisussaaffeqarnera

Ukiumoortumik naatsorsuutininik kukkunersiuiineq aningaasanut paasissutissanullu ukiumoortumik naatsorsuutininut ilanngunneqartunut kukkunersiuiinermi uppersaatissanik pissarsinissamut iliuitsinik imaqarpoq. BDO-p kukkunersiuiinermi iliuitsini suliatigut naliliineq tunngavigalugit aalajangersartarpai, tassunga ilanngullugu ukiumoortumik naatsorsuutininik annertuumik kukkusumik paasissutissiisoqarsinnaaneranut aarlerinaatinik nalilersuineramik, aamma kukkusumik paasissutissiineq peqquserlunnernik kukkunernilluunniit pissuteqaraluarpat.

BDO aammattaq pisortani kukkunersiuisarnermi ileqqorissaarnissaq naapertorlugu kukkunersiuiinermik ingerlatsiarpoq, tassunga ilaallutik inatsisit atortinneqarnerat pillugu kukkunersiuiineq aamma pisortat ingerlatsiviinik kukkunersiuiineq. Inatsisit atortinneqarnerat pillugu kukkunersiuiinermi BDO-p suliarineqartut naatsorsuutininik saqqummiussinermit ilaatinneqartut aningaasaliissutininut tunniunneqartunut, inatsisinut najoqqutassanullu allanut aammalu isumaqatigiissutaasunut nalinginnaasumillu suleriaaseqarnermut naapertuunnersut misissortarpaa. Pisortat ingerlatsiviinik kukkunersiuiinermi BDO-p misissortarpaa aningaasanik aqutsinermi sammisanillu ingerlatsinermi naatsorsuutininut ilaatinneqartunut aningaasatigut akiligassat eqqarsaatigineqarsimanersut.

Kukkunersiuiinermi aamma naatsorsuuseriaaseq aqutsisoqatigiinnit atorneqartussatut toqqarneqartoq naleqquttuunersuq aamma isummerfigineqartarpoq naatsorsuuserinermilu missiliuinerit aqutsisoqatigiinnit ingerlanneqartut naapertuunnersut aammalu naatsorsuutininik saqqummiussineq tamarmiusuq naliliiffigalugu.

BDO kukkunersiuiinermut atatillugu aamma kukkunersiuisumut tunuartumut saaffiginnissaq kukkunersiuisuusimasup tunuarneranut pissutaasut paasiniarnissaat siunertaralugu.

Kukkunersiuisarnermi killilersuutaareersut pissutigalugit, tassunga ilanngullugu kukkunersiuiinerup misissugassanik tigooraanermik aallaaveqarnera aammalu illup iluani nakkutilliinermut systemini suniluunniit killilersuuteqareenera pissutigalugu, ukiumoortumik naatsorsuutininik kukkunerit annertuut paasineqanngitsooratarsinnaapput, aamma kukkunersiuiineq pilersaarusiortluagaagaluarpalluunniit kukkunersiuiinerlu pillugu nunani tamalaani malitassat aamma Kalaallit Nunaanni kukkunersiuiinermut inatsisini piumasaqaatit allat naapertorlugit ingerlanneqaraluarpat.

Aarlerinaatinik pingaaruteqassutsimillu naliliineq

Ukiumoortumik naatsorsuutininik kukkunersiuiineq pingaaruteqassutsimut tunngavissaq aallaavigalugu aammalu suliffeqarfimmi aarlerinaatinut pissutsinik misissueqqissaarineq aallaavigalugu aqqqissuunneqassaaq. Kukkunersiuiineq paasimat, misissuinerit, apeqquteqaatit, naatsorsueqqinnerit, naligiissaarinerit, naatsorsuutininik missiliuinerinik misissuinerinik, allakkatigut isumaqatigiissutininik misissuinerinik, takussutissanik misissueqqissarnernillu misissugassanik tiguisarnikkut nakkutilliilluni ingerlanneqassaaq.

Kukkunersiuiinermi iliuitsit amerlanersaat naatsorsuutininik allattukkani nalunaarsuinermilu systemini annertuumik kukkuneqarfiusinnaasutut nalilerneqartuni ingerlanneqassapput. Kukkunersiuiineq taamaalilluni ukiumoortumik naatsorsuutit tamakkiisumik isigalugit allannortitsisussaanningsunik kukkunernik annertunngitsunik paasisaqarnissamik iluarsinissamillu siunnerfeqanngilaq.

Namminersorlutik Oqartussani suleriaatsit illullu iluani nakkutilliinerit kukkunersiuiinermut toqqammavissaqartitsisinnaanerit apeqqutaatillugu, naleqquppallu, kukkunersiuiineq suleriaatsinik illullu iluani nakkutilliinerinik misileraanertut aqqqissuunneqassaaq. Tamatuma saniatigut kukkunersiuiinermi uppersaatissat naatsorsuutininut allattukkanut naatsorsuutillu pillugit paasissutissanut allanut uppersaatissatut imaluunniit ilimanarnerulersitsisutut nalilerneqartut pissarsiarinierneqassapput.

BDO-p aarlerinaatinik naliliineranut atatillugu illup iluani nakkutilliineq suliffeqarfiup ukiumoortumik naatsorsuuserneranut attuumassuteqartoq isummerfigineqassaaq. Tamatumani siunertaavoq kukkunersuinerimi iliuusissanik pissutsinut naleqquttunik ilusilersuinissaaq, suliffeqarfiullu illup iluani nakkutilliinerata sunniuteqassusianik inerniliiffiunani. Illulli iluani nakkutilliinerit ukiumoortumik naatsorsuutini kukkunersiorneqarnerinut attuumassuteqartut malunnaatilimmik amigaateqassagaluarpata, BDO-llu kukkunersuinerimi tamatuminnga paasisaqarpat, BDO-p suliffeqarfimmi aqutsisoqatigiit tamanna pillugu allakkatigut ilisimatissavai.

Peqquserlunnerit

BDO kukkunersuinerimik suliaqarnermini annertuunik peqquserluttoqarsimasinnaanera sianiginiassavaa ilaatigut periaasissanik toqqaanikkut aamma kukkunersuinerup ingerlanneqartup annertussusiatigut.

Peqquserlunnerni paasineqassaaq piaaraluni kukkusumik paasissutissiinerit imaluunniit pigisanik atornerluinerit, taakkulu nalinginnaasumik toqqorterniarneqartut imaluunniit allanut kukkunersuuisumullu isertuunniarneqartut. Peqquserlunnernik pisoqarsimappat tunngaviatigut ukiumoortumik naatsorsuutit paasissutissanik kukkusunik annertuunik imaqarsinnaanera aarlerinaateqarpoq. Peqquserluttoqarsimaneramik BDO pasitsaassaqaqarpat, BDO nalinginnaasumik aqutsisoqatigiit isumasioqatigalugit, pasitsaassaqaarneq iluoornerisooq ilumuunnginnersorluunniit paasinialrugu misissuinerimik aallartitsissaaq.

BDO kukkunersuinerminik pilersaarusernermini ingerlatsinerminiluunniit peqquserluttoqarsinnaanera sianiginikkaluarpalluunniit, BDO peqquserlunnerit pinngitsoortinniarnissaannut akisussaasuunngilaq.

Aqutsisoqatigiit akisussaaffeqarnerat

BDO-p kukkunersuinerit ingerlattarpai aqutsisoqatigiit makkununga akisussaasuunerminik akuersaarluunilu paasisimasaqarnera tunngavigalugu:

- a) Inatsisit malittarisassallu atuuttut naapertorlugit ukiumoortumik naatsorsuuserinissaaq
- b) Ukiumoortumik naatsorsuutini paasissutissanik kukkusunik annertuunik imaqaanngitsunik suliaqarnerissamat pisariaqartutut isigisaannik illup iluani nakkutilliineq aaqqissuussinissaaq, tamanna peqquserlunnerimik kukkunernilluunniit pissuteqarnera apeqqutaatinnagu.
- c) BDO:
 - i. Paasissutissanik aqutsisoqatigiit ilisimasaannik tamanik, ukiumoortumillu naatsorsuutit suliarineqarnerinut attuumassuteqartunik, soorlu nalunaarsuinerimik, uppersaasiornerimik pissutsinillu allanik tunineqassaaq,
 - ii. Paasissutissanik amerlanerusunik kukkunersuinerimut atornerqartussanik BDO-p aqutsisoqatigiinnut noqqaassutigisaanik, aamma
 - iii. Suliffeqarfimmi inunnut, BDO-p kukkunersuinerimi uppersaasatissaanik aallerfissatut pisariaqarsorisaaq, killeqaanngitsumik saaffiginissinnaaneq.

BDO kukkunersuinerimut atatillugu ulluinnarni aqutsisunut noqqaassutigissavaa, pisariaqarpallu, suliffeqarfimmi inunnut allanut, kukkunersuinerimut atatillugu BDO-mut oqaaseqaatigineqartut allakkatigut uppersaasarnissaat.

Namminersorlutik Oqartussat naatsorsuuserinerimik ileqqorissaarnissaaq inatsisitigullu allatigut naapertuuttumik naatsorsuuserinerimut nalunaarsuinerimullu akisussaasuupput.

Suleriaasissanik aammalu nalunaarsuinerimut nakkutilliinerimullu systeminik naleqquttunik piaaraluni imaluunniit piaarinaatsoorluni kukkunerit sapinngisamik pinaveersaartinnissaannut aammalu paasinissaannut iluarsinissaannut qulakkeerinnittussanik pilersitsisoqarsimanissaa aqutsisoqatigiit akisussaaffigaat.

Nalinginnaasumik naatsorsuutigineqarpoq Namminersorlutik Oqartussat kontunut eqqortumik allattuinnissamat piffissalersuinnissamullu ingerlatsinerimut killiffinnullu kontunik misissuinnissamat akisussaaffeqartoq, aammalu naleqquttumik annertussuilimmik uppersaasateqarnerissamat naligiisaarinernik, nassuiaatinik, naatsorsuinerimik misissuueqqissaarnemillu peqarnerissaa, tassunga ilanngullugit naatsorsuutini missiliuinerimut pingaarutilinnut uppersaasatit aamma ukiumut naatsorsuutini nalornissutaasinnaasut.

Ukiumoortumik naatsorsuutini suliarinninnerup ingerlanissaa

Naalakkersuisut suliffeqarfiup ukiumoortumik naatsorsuutai Inatsisartunut saqqummiutissavaat tassangaanniillu ukiumoortumik naatsorsuutit kukkunersiorneqarnissaat Inatsisartut Kukkunersiuinermut Ataatsimiititaliaannut tunniunneqassapput.

Inatsisartut Kukkunersiuinermut Ataatsimiititaliaata ukiumoortumik naatsorsuutit kukkunersiorneqarnissaat kukkunersiuismut avataaneersumut suliakkiutigissavaat.

Tamatum kingorna kukkunersiuismut avataaneersup kukkunersiuismut nalunaarutini Inatsisartut Kukkunersiuinermut Ataatsimiititaliaannut tunniutissavaa, ataatsimiititaliarlu kingornatigut Naalakkersuisunut itisiliiffiusumik apeqquteqarsinnaavoq.

Akissutissanik piniartoqareernerani Inatsisartut Kukkunersiuinermut Ataatsimiititaliaat nalunaarummik suliaqassaaq ukiumoortumillu naatsorsuutit aamma kukkunersiuismut avataaneersup kukkunersiuismut nalunaarutaa ilanngullugit Inatsisartunut inaarutaasumik akuersissutigisassanngorlugu saqqummiunneqassaaq.

Kukkunersiuismut nalunaarusiortarnera

Kukkunersiuismut uppersaasiinera

Ukiumoortumik naatsorsuutit kukkunersiorneqarnerisa naammassinerani BDO kukkunersiuismut uppersaasiissaaq ukiumoortumik naatsorsuutit pillugit qaffasissumik qularnaassusilimmik inerniliinertalimmik.

Uppersaasiineq nangaassuteqarnernik imaqsinnaavoq, BDO pissutsinut pingaarutilinnut tunngatillugu kukkunersiuinermut uppersaatissanik naammattunik pissarsinnaasimangippat, imaluunniit BDO kukkunersiuinermut uppersaatit pissarsiarineqartut tunngavigalugit inerniliippat ukiumoortumik naatsorsuutit kukkunernik amigaatinilluunniit pingaarutilinnik imaqartut.

Uppersaasiineq pissutsit erseqqissaavigineqarnerinik imaqsinnaavoq, BDO isumaqarpat pissutsinik naatsorsuutininik atuisut eqqumaffigisariaqagaannik peqartoq.

Aammattaaq inatsisini piumasaqaatigineqarpoq kukkunersiuismut uppersaasiinera nalunaaruteqarnissamut pisussaaffinnik allani imaqassasoq, BDO suliffeqarfik pillugu, suliffeqarfiit attuumassuteqartut, suliffeqarfimmu peqataaneq, akiligassallit imaluunniit sulisut aqutsisunut taarsiinissamik pillaatillu akisussaatitaanermik kinguneqarsinnaasunik iliuutsinik ilanngutinngitsuukkanillu paasisaqarsimappat.

Ukiumoortumik naatsorsuutit kukkunersiorneqarnerinut atatillugu BDO-p ukiumoortumik naatsorsuutini Paasisutissat Allat misissussavai. Kukkunersiuismut uppersaasiinernut atatillugu BDO tamanna tunngavigalugu oqaaseqaateqassaaq Paasisutissat Allat paasisutissiinernik kukkusunik pingaarutilinnik imaqarnerisooq BDO-mit isummerfigineqarluni.

Namminersorlutik Oqartussanit kissaatigineqarpat, ataatsimiinnermut naatsorsuutit BDO-p nalunaaruteqarfisaata oqaluuserineqarfissaannut BDO-p peqataassalluni pisussaaffigaa.

Aqutsisoqatigiinnut attaveqaqatigiinneq

Attaveqaqatigiinneq nalinginnaasoq

Nunani tamalaani kukkunersiuinermut malitassiat aamma Kalaallit Nunaanni kukkunersiuismut inatsisini piumasaqaatit allat malillugit BDO pisussaavoq Namminersorlutik Oqartussani ulluinnarni aqutsisunik attaveqaateqassalluni, imaluunniit pisariaqartillugu suliffeqarfimmi qullersanut, kukkunersiuinermik suliasami pissutsit tamaasa BDO-p suliatigut naliliinera malillugu aqutsisoqatigiinnit eqqumaffigineqartariaqartut pillugit, tassunga ilaapput:

- ▶ BDO-p naatsorsuuserinermi tunngavissanik atorneqartunik isiginninnera, tassunga ilanngullugit naatsorsuuserinermi periaaserineqartoq, naatsorsuutitigut missiliuinerit aamma ukiumut naatsorsuutini paasisutissat.
- ▶ Kukkunersiuinermi ingerlanneqarnerani inernerit malunnaatillit, tassunga ilanngullugit pisut BDO-p iliuuseqaqqinnissamik isumaliuteqarfisai.
- ▶ Pissutsit pilersut BDO-llu kukkunersiuismut uppersaasiinermi inerniliinernut allannguinerimik kinguneqarsinnaasut.

- ▶ Ajornakusoortut BDO-p kukkunersiuinermik suliaqarnermini naammattoorsinnaasai.
- ▶ Pissutsit allat kukkunersiuinermik suliaqarnermi pisinnaasut, BDO-llu naliliinera naapertorlugu aqutsisunut soqutiginaateqarsinnaasut.

BDO suliffeqarfimmi aqutsisoqatigiinnut saqqummiussassanik pissutsinik amerlanerusunik suussusiliinissaq kisiat siunertaralugu iliuusissanik ilusilersuineq ajorpoq, BDO-lli kukkunersiuinermik suliassamut atatillugu pissutsit malunnaatillit paasineqartut aqutsisunullu soqutiginaateqarsinnaasut saqqummiuttarpei.

BDO-p aqutsisoqatigiinnik attaveqaqateqarnera oqaasiinnartigit aamma allakkatigit pisinnaavoq, siunertaq sunalu pineqarnersoq apeqqutaatillugu.

Kukkunersiuisup nalunaarutaa

Kukkunersiuineq ingerlanneqartoq tassungalu inerniliineq pillugu Inatsisartunut nalunaarusiortarnek kukkunersuisut nalunaarutaat aqutugalugit pisarpoq.

BDO ukiumoortumik naatsorsuutit kukkunersiorneqarnerat aamma ukiup ingerlanerani nalunaartutit pillugit kukkunersiuisup nalunaarutaanik saqqummiussissaaq, tamanna aalajangersarneqarsimappat, imaluunniit BDO-p tamanna naleqquttutut nalilerpagu.

BDO-p pisussaaffigaa nalilersussallugu kukkunersiuisup oqaaseqaataanik tunniussisoqassanersoq:

- ▶ naatsorsuutini allattukkat Inatsisartut aamma Naalakkersuisut aalajangiinerinut naapertuutinngippata,
- ▶ inatsisit aamma aalajangersakkat atuuttut unioqqutillugit iliuuseqartoqarsimappat,
- ▶ allattukkap imaluunniit aalajangikkap inatsisinut naapertuunera nalorninartutut isigineqarpat,
- ▶ suleriaatsinik atuuttunik misissuinerimi paasineqarpat nakkutilliisoqartarneratigit annertuunik amigaateqarpat, kukkunersiuinerimi peqatigisaanik amigaatinik paasineqartunik aaqqiissuteqarnissamut siunnersuuteqarsinnaammat,
- ▶ suleriaasissatut aalajangersarneqartut malinneqarsimanngippata, imaluunniit
- ▶ Inatsisartut aamma Naalakkersuisut aalajangiinerinik piviusunngortitsineq aningaasaqarnikkut naleqqutinngitsumik isumagineqarsimappat.

Inatsisartut Kukkunersiuinermut Ataatsimiititaliaannut isumaqatigiissutigineqarpoq kukkunersiuinerimi oqaaseqaatinut tunngatillugu Ataatsimiititaliaq Naalakkersuisumut susassaartumut nassiussaammik noqqaassuteqassasoq.

BDO-p kukkunersiuinerimi ileqqorissaarnissaq naapertorlugu naleqquttutut imaluunniit pisariaqartutut nalilerpagu BDO ulluinnarni aqutsisunut allakkatigit nalunaarusiussaaq. BDO-p nalunaarusiortarnera Pisortat ingerlatsineranni aalajangiinernik paasitinneqarsinnaatitaaneq pillugu inatsimmut ilaavoq, allagaatinillu takunnissinnaanermik piumasaqaateqarfigineqarsinnaalluni.

Kukkunersiuisup nalunaarutaani BDO-p naatsorsuutitut naatsorsukkanullu allanut nalunaaruteqarfigisaanut suliassat BDO-mit allaaserineqarput.

Kukkunersiuisup nalunaarutaanik Inatsisartut Kukkunersiuinermut Ataatsimiititaliaanut nassiussineq Aningaasaqarnermut Sulisoqarnermullu Aqutsisoqarfik aqutugalugu pissaaq.

Pissutsit immikkut ittut pillugit attaveqaqatigiinneq

BDO tamatuma saniatigit pissutsit immikkut ittut Namminersorlutik Oqartussani aqutsisoqatigiinnut saqqummiunnissaanik akisussaaffeqarpoq, makku ilanngullugit:

- ▶ Pissutsit inatsisinik maleruagassanillu allanik eqquutsitsisoqannginneranut tunngasut, BDO-p kukkunersiuinerup ingerlanerani paasisimasai pillugit nalunaaruteqartarnissaq, pissutsit taama ittut erseqqissumik sunniuteqanngitsut minillugit.
- ▶ Aqutsisoqatigiinni ilaasortat tamarmik immikkut nalunaaruteqarfiginissaat, BDO-p sulinermini paasippagu aqutsisoqatigiinni ilaasortat suliffeqarfik sinnerlugu atuuffigisaminnut atatillugu aningaasatigit pinerluuteqartut, BDO-lu pinerluuteqarnerup aningaasanut malunnaatilinnut tunngassuteqarneranut imaluunniit ilungersunartutut nalilerneqarsinnaaneranut tunngavilersukkamik ilimatsaassaqarpat. Aqutsisoqatigiit tamatumunnga qisuariannngippata BDO inatsisit naapertorlugit pisussaavoq oqartussanut kallerriuteqassalluni. Suliffeqarfik pinerlunnikkut aningaasarsianik malunnarunnaarsaanermut imaluunniit peqqarniisaarniarnermut

aningaasalersuinermit akuuneranik BDO pasitsaassaqaaruni oqartussat toqqaannartumik kalerrissallugit pisussaaffeqarpoq.

Naatsorsuutit nalunaarsukkallu allat pillugit nalunaaruteqarneq

BDO inatsisini piumasaqaatigineqartut, EU-mi maleruagassiorneq imaluunniit oqartussat piumasaqarnerat malillugu Namminersorlutik Oqartussat naatsorsuutaanut nalunaarsugaanullu allanut nalunaaruteqarnissamik suliassanik qularnaatsunik suliaqarpoq (tullinguuttumi ”naatsorsuutit allat”)-nik taaneqartut.

Naatsorsuutit allat inatsisit atuuttut, naatsorsuutinullu allanut oqartussanit neriorsuinermit allagaqaatit il.il. malillugit suliarineqassapput.

Siunertaq annertussusaalu

BDO naatsorsuutinut allanut qularnaatsumik nalunaaruteqarnissaq siunertaralugu nalunaarutissanik suliaqarpoq.

BDO inatsisit imaluunniit neriorsuinermit allagaqaatit naapertorlugit piumasarineqartoq malillugu nalunaaruteqarnissamik suliassamik ingerlatsissaq. Tamatumunngalu ilaasinnaavoq kukkunersuinermit nunani tamalaani malitassat, aamma piumasaqaatit allat Kalaallit Nunaanni atuuttut imaluunniit nalunaarutininik qularnaatsunik allanik suliassat imaluunniit aningaasaqarnermit paasisutissanik pisoqqanik misissuineq pillugu nunani tamalaani nalunaarutininut malitassaq ISAE 3000 naapertorlugu kukkunersuineq.

Nalunaarutininik saqqummiussinissamut BDO-p arlaannaanulluunniit attuumannginnissamut piumasaqaatinik aamma International Ethics Standards Boards for Accountants'-ip nunani tamalaani najoqqutassiaani kukkunersuuisutut ileqqorissaarnissamut piumasaqaatinik (IESBA Code) naammassinninnissaa piumasaqaataavoq, innarlighassaannginnermit, kinaassusersuinnginnissamut suliatigut piginnaasaqarluarnissamut peqqissaarnissamullu, isertuussinissamut suliatigullu piginnaasaqarnermit pissusilersornissamut tunngavissanik, aammalu ileqqorissaarnissamut piumasaqaatinik Kalaallit Nunaanni atuuttunik tunngaveqartoq.

Kukkunersuuisup akisussaaffeqarnera

BDO-p nalunaaruteqarnissamik suliassamut tunngatillugu aammalu nalunaaruteqarnermit sammisamut atatillugu tamatuminngalu uuttortaanermit imaluunniit naliliinermit piginnaasaqarnissani periaasissaqarnissanilu akisussaaffigaa nalunaarummi inerniliussamut akisussaaffimmik tiguisinnaassalluni.

BDO-p akisussaaffigaa suliassamik suliarinnittussat peqatigiillutik piginnaaneqarfinnik pisinnaasanillu peqassasut malitassiat attuumassutillit aamma inatsisini maleruagassanilu allani piumasaqaatit atuuttut naapertorlugit, aammalu nalunaarummik pissutsinut naleqquttumik tunniussinissamut periarfissiissamik.

BDO-p akisussaaffigaa nalunaaruteqarnissamik suliassap suliatigut qularnertalimmik pilersaarusiussallugu ingerlatissallugulu, nalunaarummik suliassap ingerlanneqarnerani suliatigut naliliisinnaani atortussanngorlugu, tassunga ilanngullugu qanoq inneranik, piffissatigut sumi inissisimaneranik iliuusissallu annertussusaannik aalajangersaanissamut, aammalu nalunaaruteqarnissaminik suliaqarnermini uteqqiattumik, aqqissuulluakkamik ingerlatsinissamut piginnaasaminik pisinnaasaminillu atuisinnaanissaminut.

Nalunaarusiornissamik suliassami killilersuutaareersut pissutigalugit, aammalu illup iluani nakkutilliinermit systemit suulluunniit killilersuuteqareernerat pissutigalugu, nalunaaruteqarnissamut sammisami kukkunernik annertuunik imaassinnaavoq paasisaqartoqanngitsoortoq, naak nalunaaruteqarnissamik suliaq pilersaarusiorduagaallunilu kukkunersuuisunut nunani tamalaani malitassat naapertorlugit ingerlanneqarluartoq.

Aqutsisoqatigiit akisussaaffeqarnerat

BDO-p nalunaaruteqarnissamik suliassat Namminersorlutik Oqartussani aqutsisut naatsorsuutininik allanik naatsorsuuserinermit taaguusersuutinut sinaakkusiussat atuuttut naapertorlugit suliarinissaannut akuersinerat paasininnerallu tunngavigalugu sulissavai, aammalu nalunaaruteqarnissamut tunngavissat pisariaqartut tunniunnissaannut akisussaasuussapput, paasisutissallu nalunaarummut tunngavigineqartut eqqortuunissat, tamakkiisuunissat uppersaasarsugaanissaallu akisussaaffigaa,

Namminersorlutillu Oqartussat inatsisunik maleruagassanillu allanik nalunaaruteqarnermut attuumassutilinnik eqquutsitsisoqarnissaat qulakkiissavaat.

Aqutsisuttaa q akisussaaffigaat BDO makkununga pissarsisinnaatissallugu:

- 1) Paasissutissanik tamanik aqutsisoqatigiit ilisimasaqarfigisaannik, nalunaaruteqarnermillu suliaqarnermut attuumassuteqartunik,
- 2) Paasissutissanik amerlanerusunik nalunaaruteqarnermik suliaqarnissamut atorineqartussanik BDO-p aqutsisoqatigiinnut noqqaassutigisaanik, aamma
- 3) Suliffeqarfimmi inunnut, BDO-p uppersaatissaanik aallerfissatut pisariaqarsorisaanut, killeqanngitsumik saaffiginnissinnaaneq.

BDO nalunaaruteqarnissamik suliaqarnermut atatillugu aqutsisunut noqqaassutigissavaa, pisariaqarpallu, Namminersorlutik Oqartussani inunnut allanut, nalunaaruteqarnissamut sammisamut atatillugu BDO-mut oqaaseqaatigineqartut allakkatigut uppersarnissaat paasissutissat attuumassuteqartut tamaasa aqutsisoqatigiinnit ilisimasaqarfigineqartut BDO-mut tunniunneqarsimasut, tassunga ilanngullugu inatsisunik maleruagassanillu allanik eqquutsitsinissap amigarneranut pissutsit suulluunniit, peqquserlunnerit aamma nalunaaruteqarnissamut sammisami amigaatinut tunngatillugu.

Oqaaseqaat aamma nalunaaruteqarnermi sammisamik tunngavissat attuumassuteqartut malillugit misissuinerup imaluunniit naliliinerup uppersarneqarneranik imaqaassaaq, tassunga ilanngullugit pissutsit attuumassuteqartut tamaasa sammisap imarisaanut naapertuunnerat.

Kukkunersuiusup nalunaarusiortarnera

Nalunaaruteqarnissamik suliassap naammassinerani BDO allakkatigut nalunaaruteqassaaq naatsorsuutit allat pillugit BDO-p qaffasissumik qularnaassusilimmik inerniliineranik imalimmik, aammalu tamanna sutigut tamatigut tunngavissanut attuumassuteqartunut naapertuuttumik suliareqarsimaneranik.

Inerniliinerup ilusilersorneqarnerani BDO-mit nalilerneqassaaq sammisap imarisaat paasissutissanik kukkusunik pingaarutilinnik imaqarnerisooq, tamatumani uppersaatissat naammannersut naleqquttuunersullu isummerfigineqassaaq aammalu kukkusumik paasissutissiinerit ataasiakkaarlugit ataatsimoortillugilluunniit pingaaruteqarnerisut.

BDO-p pisariaqarsorippagu BDO nalunaarummi erseqqissaatinik ilanngussissaaq. Taamatut erseqqissaateqarnerit siunertaraat pissutsit saqqummiunneqartut imaluunniit sammisap imarisaani taaneqartut nalunaarummik tiguisussamit eqqumaffigineqarnissaat, taakku BDO-p naliliinera naapertorlugu ima pingaaruteqartigimmata sammisap imarisaata imaluunniit nalunaaruteqarnissamik suliassap, kukkunersuiusup akisussaaffeqarnerata imaluunniit nalunaarutip tunngaviummik paasinissaanut pingaaruteqartunik.

BDO-p inerniliinini naleqqussassavaa BDO-p suliatigut naliliinera naapertorlugu suliap annertussianik killiliisoqarsimappat, imaluunniit sammisap imarisaat BDO-p suliatigut naliliinera naapertorlugu paasissutissanik kukkusunik pingaarutilinnik imaqarpat. Taamatut pisoqartillugu BDO nangaassutitalimmik inerniliissaaq imaluunniit naqqiissuteqarluni inerniliilluni, imaluunniit inerniliinngitsoorluni.

Pissutsit allat

Siunnersuineq, ikiuineq il.il.

Ukiuoorlutumik naatsorsuutinik kukkunersuiunerit ilaatinneqanngillat Namminersorlutik Oqartussani naatsorsuutinik allattuinerit, ukiuoorlutumik naatsorsuutinik suliaqarnermut imaluunniit naatsorsuutini allatigut inissiinerit ikiuineq.

BDO taamaallaat siunnersuisinnaavoq allatigulluunniit ikiuullunilu tamanna peqataasinnaassuseqannginnerit aamma arlaannaanulluunniit attuumanninnissamut malittarisassat atuuttut naapertorlugit pinnaappat.

Kukkunersuiusutut tunuarneq

BDO Namminersorlutik Oqartussanut kukkunersuiusutut tunuassagalaruni tunuarnerminut pissutaasoq pillugu kukkunersuiusumut sulilersumut ilisimatitsissutigissavaa. Tunuarnermi BDO pissusaavoq kukkunersuiusut ivertinneqartoq Namminersorlutik Oqartussat pillugit paasissutissanik attuumassuteqartunik, kukkunersuiusup nalunaarutaanut tunngasunik, pissarsinissamut

periarfississallugu, aamma BDO-p tunuarneranut pissutaasoq pillugu BDO naamattumik nassuiaateqassaaq.

Kukkunersiuisup nalunaarutaanik nutarterineq

Kukkunersiuisup nalunaarutaa manna nutarterneqassaaq suliassap imarisaanut atassuteqartumik allannguuteqarpat imaluunniit inatsisini malitassaniluunniit allannguutit kingunerisaannik allanngortoqarpat, imaluunniit pissutsit allat BDO-p pisariaqarsorisa pissutigalugit.

Inatsisartunut nalunaaruteqarnermi kukkunersiuisup nalunaarutaa manna innersuussutigineqassaaq, Inatsisartunullu ilaasortanut nutaanut tunniunneqarnissaa naatsorsuutigineqarpoq.